



Diahuebs Oktober 16 2014 -Edicion-8 Vol.194195 Sta.Cruz #110
Tel: 585-9500 Fax:585-0951 - E-mail: solodipueblo@gmail.com

1.50

MIKE EMAN A MANDA COORDINADORNAN BUSCA CONFRONTACION

Mike Eman ta LOCO y COBARDE



MANIFESTACION CU CONFRONTACION DI COORDINADORNAN



URATACA
CENTER
Special di awe:
Rabo Stoba, Aroz,
Funchi & Berdura

Afl. 10.00
(di 12 pa 3pm)
Tel: 585 5212

Acto di coordinadornan ta
prueba cu.....

**AVP TA
DESESPERA!**

PARTIMENTO DI
PAMFLETA TA MUESTRA
CU AVP NO KIER DEBATE
CFT

**Hiacinta Thijsen lo haya
contesta diabierna, sino e
lo bolbe bek pa Mike**

Parlamentario di MEP, sr.
Glenbert Croes:

**MEP TA ALERTA GOBIERNO
Y VALERO CU PUEBLO NO TA
LAGA NAN DESMANTELA NOS
REFINERIA**



**AUMENTO
DI TARIFA DI
CORIENTE
TA HOLE NA
CORUPCION**

MENSAHE DI
EVELYN WEVER-
CROES NA MIKE
EMAN

**DEMOSTRA
CURASHI
Y STOP DI
FOMENTA
DIVISION Y
ODIO DEN
PUEBLO!**



EDITORIAL SOLO DI PUEBLO:

Gabinete Mike Eman ta sufri di paranoia:

Ta sigui busca tur metodo pa silenciar e Derecho di Expresion y Manifestacion contra gobierno



Ta di lamenta pa lesa y scucha remarkenan di intimidacion y hasta menaza cada rato cu un of otro grupo of partido kier haci uso di nan Derecho- y Libertadnan Constitucional pa loke ta e asina yama Vrijheid van Meningsuiting en Betogingsrecht. KPA, ME's y K9 a bira e arma di Gobierno y no tin niun hende cu por para esaki. Ta parece cu henter e Gabinete Mike Eman ta waak spirito na momento di tende e palabranan manifestacion y demostracion. Coordinadornan, Prensa cumpra y locutoran riba payroll ta cuminsa mesora cu arsenal di insulto, intimidacion y hasta menazanan serio den direccion di cualkier persona, instancia of grupo cu lo kier ehersce e derecho sagrado aki. Recientemente e Minister di Husticia a hasta insinua cu e lo tabata tin e blessing di Ministerio Publico pa usa KPA den cualkier forma pa maltrata hendenan cu lo kier a haci uso di e derecho- y libertadnan aki. Ministerio Publico stilzwijgend a admiti e loke e Minister di Husticia y tambe despues e presidente di SPA, esta sr. Davelaar a bisa. Ta usa excusanan fofu y fuera di lugar pa usa forza y of brutalidad policial, cos cu nunca a sosode den historia di democracia aki na Aruba. Nos ta algun paso for di e regimen Chavista/ Maduro na Venezuela, danki na KPA y OM cu no tin e cohon pa muestra

te con leu e respet pa e derecho- y libertadnan constitucional por bay!

Kico realmente ta e intencionnan di Gobierno tras di tur esaki ta masha simpel. E Gobierno pa ta mas preciso Minister di Husticia y Minister di Asuntonan General cu alavez ta e Promer Minister no ta respeta den ningun sentido di palabra Derecho- y Libertadnan di e Ser Humano den e forma cu e ta keda stipula den nos Constitucion. Constantemente por lesa riba rednan social con e Coordinadornan di Gobierno ta ataca ken cu kier haci uso di nan derecho. Ta un secreto publico cu esaki ta wordo haci a cambio di salarionan atractivo pa cada coordinador for di e caha di Land Aruba. Mas tambe por scucha con ta troce berdadnan relaciona cu 1 di Oktober ultimo unda te hasta e Korpschef a bandona Aruba cu excusanan fofu di "asuntonan di trabao". Niun miembro di Korpsleiding a tripi di bin padilanti y splica huridicamente kico a conduci nan pa instrui maluso y brutalidad policial contra hendenan di edad, hende muher y hobennan. Solamente e Presidente di SPA a considera e brutalidad policial aki como un trabao profesional y hasta a manda un mensahe cu lo actua den e mesun forma den e proximo ocasion. Fuentenan

yega na Cuerpo di Bombero ta senjala cu lo a duna instruccion pa pone e Crashtender di airport na disponibilidad di KPA ora cu tin manifestacion y asina tambe K9 tambe ta riba e lista y sin laga afor e ME's team. Ta di lamenta y nos a bisa esaki cu sentimentonan mixto cu Gobierno a usa tur forza y arma pa intimidar, sembra miedo y panico den esnan cu kier usa nan Derecho- y Libertadnan di Expresion y Manifestacion. Contrario na tur loke a keda produci huridicamente den historia di Husticia Hulandes, gobierno di Aruba ta e promer y nos ta mas cu convenci cu lo ta e ultimo tambe cu ta keda intenta e atropesonan aki. Hopi a pensa di bay entrega keho na Ministerio Publico, pero nos tin masha dolor pa bisa cu ya Ministerio Publico no ta un instancia transparente y imparcial manera cu e mester ta. Atraves di añanan a leun demasiado na banda di Minister di Husticia, haci loke Minister di Husticia implanta, emplea hendenan directamente afilia cu Gobierno di Mike Eman y mas pior permiti e bagamunderia- y fechorianan contra e Derecho- y Libertadnan Constitucional di e pueblo en general. Tur esaki a pone cu awe sigur Ministerio Publico no ta e instancia hudicial cu ta goza di e confianza di e comunidad of nos como medio di prensa!

MENSAHE DI EVELYN WEVER-CROES NA MIKE EMAN

DEMOSTRA CURASHI Y STOP DI FOMENTA DIVISION Y ODIOS DEN PUEBLO!

Lider di MEP, sra. Evelyn Wever-Croes, a emiti e siguiente mensahe dirigi na sr. Mike Eman.

Sr. Mike Eman, cu un preocupacion inmenso mi a tuma nota con bo coordinadornan a busca confrontacion directo durante e manifestacion pacifico cu sra. Jacinta Thijsen a organiza dia 15 di Oktober ultimo. Un señora cu mi ta respeta hopi, cu a demostra un curashi pa expresa su preocupacionnan na forma pacifico y responsable. Pero e situacion por poco a sali for di man, despues cu bo coordinadornan tabata pusha manifestantenan y forza nan tuma un pamfleta di odio y mentira cu nan a wordo instrui pa reparti. Tristo ta cu na ningun momento sr. Eman a demostra responsabilidad cu un Promer Minister mester tin y stop e coordinadornan cu nan actuacion baho cu nan tabata tin cu e personanan cu a bin acompaña sra. Thijsen. Cu e acto aki bo a demostra un biaha mas falta di caracter y falta di responsabilidad pa cu e pueblo. Den momentonan aki di crisis financiero cu Aruba ta pasando aden no tin espacio pa actitud baho di un promer minister cu su hendenan paga, pa fomenta odio y division den pueblo. Den nomber di pueblo ami ta tene abo responsabel pa tur e daño cu abo y bo

coordinadornan ta ocasionando aki na Aruba. Mirando cu riba e pamfleta di odio y mentira bo a hacimi 3 pregunta, mi ta ripiti mi contesta duna na prensa na varios ocasion atraves di e comunicado aki: Ami no ta ricibi ningun suma otro cu mi salario di parlamentario di pais Aruba. E cuentanan bancario cu abo a publica den e pamfleta ta cuenta bancario di un compania cu no ta dimi. Esaki ta cuenta di e compania cu ta parti di oficina di abogado Croes Wever Tchong cu entradanan totalmente legitimo. E simple hecho cu e transaccionnan ta pasa via banco ta muestra cu ta trata di transaccionnan legitimo y cu ta cay bao tur tipo di ley y supervisionnan manera cualkier otro cuenta bancario. Esaki ta algo cu abo como hurista tambe mester sa. Si bo tin indicacion cu algo no ta corecto, bay Ministerio Publico y entrega un denuncia.

Sr. Eman, den apenas 5 año bo a redobla debe di nos pais di 40% te na 80% di nos GDP. Te aki 26 año Aruba por yega bek na e nivel di 40% cu MEP a lague na 2009, pues lo dura 26 año pa coregi e desastre financiero ocasiona den apenas 5 año

di Gabinete Mike Eman I y II. En vez di tuma e situacion aki na serio, sr.

Eman ta opta pa fomenta odio y division den nos pueblo. Sr. Eman ta sigui pone medidanan cruel ariba esnan mas vulnerable. Nos ciudadanonan ta pasando den momentonan hopi dificil y mester di lidernan cu curashi pa atende e problemanan cu seriedad y especialmente na forma responsabel. Manda coordinadornan busca confrontacion durante un manifestacion pacifico, y especialmente reparti pamfleta di odio cu mentira den dje, ta demostra e politica baho cu ta tipifica sr. Eman su maneho. Sr. Eman por parti cuanto pamfleta baho di odio y mentira cu sr. Eman kier, pero no ta cambia e berdad y realidad cu Aruba ta pasando aden. Stop di perde tempo valioso cu politica barata y cuminsa actua pa atende cu e situacion serio cu e pais aki ta pasando aden. Mi ta haci un apelacion fuerte riba bo sentido di responsabilidad pa stop di busca confrontacion y division den nos pueblo. Nos pueblo merece mihor, mucho mihor!



Lider di MEP, mr. Evelyn Wever-Croes:

Prijs di bari di crudo a baha cu 30 dollar, handling fee di Valero pa bari a subi cu 4 dollar

AUMENTO DI TARIFA DI CORIENTE TA HOLE NA CORUPCION



Gobierno di Mike Eman ta insisti den hisa e tarifa di coriente, siendo cu prijs di crudo ta sigui baha. Diamars ultimo e prijsnan di crudo a bolbe baha cu 5%, te na 81.69 dollar. Na fin di dia e prijs tabata 8474, e tarifa mas abao desde December 2012.

Desde cu Gobierno a anuncia cu lo aumenta e tarifa di coriente na Aruba, e prijs di crudo a

baha cu mas di 30 dollar. Y di otro banda nos ta papia di un aumento di gasto di handling fee di 4 dollar. A base di esaki e prijs di coriente no mester aumenta, e mester baha y cu por lo menos 20%. E asunto di aumento di tarifa di coriente cada biaha ta hole mas na corrupcion y gobierno no ta haciendo nada pa contra aresta esaki.

Hiacinta Thijsen lo haya contesta diabierna, sino e lo bolbe bek pa Mike

Den e manifestacion di Hiacinta Thijsen, el'a haya promesa di Mike pa duna un contesta prome cu fin di siman, esta e siman aki riba diabierna. Mike a bisa Hiacinta: "Mi ta yamabo". Hiacinta a bisa Mike: "Si bo no yamami cu un contesta positivo, lo mi bolbe bek." Hiacinta tabata determina den su manifestacion y a entrega esaki, pero pidiendo un contesta fiho. Mike a purba na vacila, pero Hiacinta no a permiti esey. Por nota un Mike Eman hopi malo unda su wowo ta span y draai rond sin control. Un Mike Eman cu a bay atras y ta muestra debil. Te hasta por nota cu Mike tin un sorto di temblamento, pues no ta stabil y ta muestra palido y malo.

Jennifer Arends-Reyes di AVP ta un berguena pa Parlamento

Di sonido di porco y mas blunder

Segun Parlamentario Jennifer Arends:

E balor agrega di Green Aruba y your meets Americas ta sumamente grandi

ORANJESTAD (AAN) – Parlamentario sra. Jennifer Arends, di fraccion di AVP, el'a referi na e pre-evento di "Green Aruba Your Meets Americas" y su importancia como balor agrega.

Edama a agrega cu e inversion cu ta wordo haci di parti di Gobierno, naturalmente e organizadoman ta keda den deliberacion pa wak e retorno di e inversion, pues, kico nan ta pone como inversion y

na otro pa mas cooperacion. El'a remarca kico e director VNO Hulanda, a bisa den discurso tocante e importa cu e conferencianan aki kico e instancia aki por pa yuda como represe

Jennifer Arends-Reyes di AVP a drenta parlamento di Aruba cu un carera prometedor, pero masha liher el'a rementa manera un blaas. Den apenas dos luna den Parlamento Jennifer Arends-Reyes a muestra su cara berdadero, un persona masha arrogante y sin gevoel. Un persona cu ta chercha di hende gordo y ta discrimina tur esnan cu no ta blond manera e mes. Na Hulanda tin un number pa e blondje aki. Dom blondje! Asina a pasa cu den apenas algun siman den Parlamento e corant Amigoe di Aruba a publica riba su front page cu Jennifer Arends-Reyes (AVP) ta haci sonido di porco den Parlamento. Si, sonido di porco pa chercha na momento cu mr. Xiomara Ruiz-Maduro tabata na palabra. Algo cu e corant Amigoe a raporta! Jennifer tin un envidia asina grandi contra Xiomara pasobra Xiomara a demostra exito den politica, cu ora Xiomara papia, Jennifer ta haci

sonido di porco pa chercha di e peso di Xiomara. Kizas e ta ciego si pasobra den su 'kring' no mucho leu di dje, tin hende cu mas di 130 kilo! Anto hende muher! E ta chercha e familiar aki tambe?

Pero cos no a keda te eynan. Pasobra Otmar Oduber a scoge Jennifer Arends como su protegida, manera e tempo ey Otmar por a haci cu Lainya, awor ta cu Jennifer y Otmar a exige pa Jennifer bira presidente di e comision di turismo mirando cu Dangui Oduber cu tabata presidente tabata cuestiona Otmar Oduber demasiado.

Awor, en vez cu Jennifer Arends-Reyes profila su mes como un hende cu sa algo di turismo, el'a comete un BLUNDER teribel: e no conoce e number di e conferencia asina famoso den e dianan aki: Europe Meets Americas, el'a yame YOUR meets Americas. Den su articulo el'a ripiti e bobedad aki: "Green Conference YOUR meets

Americas". E blunder aki ta caba di ridiculiza Jennifer hopi mas. Awor si ningun hende por tum'e na serio mas. Te hasta su muchanan di school na Colegio Arubano a hari barica yen ora nan a lesa esaki. Ta con estúpido bo porta, cu bo ta lucha pa bira presidente di e comision di turismo y bo ni sa e number di e conferencia? Dom blondje! Jennifer no por bisa cu ta un eror, pasobra ta DOS biaha el'a skirbi esey! E no por bisa cu ta "spell checker" pasobra ningun spell checker ta cambia "EUROPE" den "YOUR". Y nos ta duda cu Jennifer ta paga hende pa skirbi articulo p'e, pasobra e mes ta bastante capaz pa skirbi articulo. Kier meen cu Jennifer Arends-Reyes ya ta riba STRIKE 2 den Parlamento. Prome e ta hunga pa porco den parlamento y awor e ta bay e conferencia YOUR meets Americas. Cuidao cu e no perde su strea di nort, buscando YOUR meets Americas.

PUEBLO A HAÑA SU PEN BEK

Pa kualkier informacion
solodipueblo@gmail.com

of
585-9500

Director di Departamento di Labor & Investigacion, mr. drs. F.R. Kock:

DAO cera pa publico for di 15 Oktober 2014



Pa medio di e comunicado

di prensa aki Departamento di Labor & Investigacion kier a informa lo siguiente. Departamento di Labor & Investigacion lo ta será for di diarazon, 15 di Oktober

2014 te cu próximo aviso esaki en conexion cu mantención obligatorio door di DOW. Asina cu keda cla cu un localidad lo avisa pa atende publico lo mas pronto posibel. Nos ta pidi disculpa pa cualkier inconveniencia cu esaki por trece cune.

Ta busca interesadonan pa bende rifa di pasco y pa gana un comision halto.. Registra na 7488280



Santa Cruz 110

Tel: 365-3323

Mens haircut Afl. 20.00
Womans haircut Afl. 25.00

SPECIAL SPECIAL

Special on Keratina
Special riba tur servicio
Yama hasi bo appointment.
Nos orario nobo di 9am pa 6pm. Pa cualkier ocashon special, request bo make up profeshonal.
Bishita nos, tin un crew di estilista profeshonal ta cla pa atendebo.

Comision Salba Aruba

Mike Eman, bo ta un homber super falso!!!!

Sr. redactor danki pa espacio concedi.

Mike Eman, durante bo huelga di hamber, bo a permiti y bo a encurasha bo hendenan, pa ofende y ataca nos Gobernador inhustamente. Esaki djis pa e motibo cu nos Gobernador corectamente a keda sin firma e presupuesto 2014, cu tabata uno irealistico.

Mike Eman, a bo a permiti bo hendenan pa yama nos Gobernador pa: un yiu di p..., pa ta un desgraciado, pa ta un mar..., pa ta un traidor, pa ta un Gobernador yiu di un stranhero, bo a permiti bo hendenan tambe pa tira nos Gobernador su auto cu cups cu awa.

Anto Mike Eman, awor bo tin e pudor di sali bisa publicamente cu 'tempo ta cura herida'. Wel, wel, bay ta hipocrita. Bo a caba di mata nos Gobernador intencionalmente, anto bo ta sali afor cu un cara di coco y bisa ariba dje publicamente cu bo no por a yuda. Bay ta un

kakalaka!

Comision Salba Aruba ta bisa enfaticamente, cu nos NO tin ningun clase di respet mas pa Mike Eman como Prome Minister. Envez di saliafor y pidi nos Gobernador publicamente un disculpa pa tur e ofensanan, awor ta haci como si fuera nada no a pasa. Door di bisa simplemente cu tempo ta cura herida.

Mike Eman, bo a lubida cu nos Gobernador tambe tin famia. Comision Salba Aruba, ta kere firmemente cu e famia di nos Gobernador tambe a wordo herida grandemente, door di e ofensanan lanza di bo hendenan.

Pueblo, anto awor a sali na claridad, mediante e investigacion cu C.F.T. a realiza, cu nos Gobernador a haya razon. E presupuesto cu nos Gobernador a keda sin firma, en realidad ta un presupuesto irealista y uno cu no ta completo. Pueblo, mira kico Mike Eman a haci cu nos grandinan. Su Gobierno

a corta drasticamente den nan subsidio, anto awor manera un homber sin escrupulo ta bay verf nan cas na St. Michael Paviljoen. Bay ta un "degra". Pueblo, mira con Mike Eman a yama e Hulandesnan durante su huelga di hamber. El'a yamanan pa "abusadornan sexual, pa secuestradornan y pa hendenan cu a humiya Aruba" Pueblo, ta pa es motibo aki, politiek Den Haag ta malamente rabia ariba Mike Eman. Comision Salba Aruba, ta kere firmemente cu di berdad Mike Eman a perde e sentido di realidad. Pasobra un homber na su sano huicio, hamas ta degenera di e manera aki. Mike Eman, si en berdad bo ta sufri di un of otro enfermedad mental, anto nos ta conseha bo pa bishita mas pronto posibel, un psicologo of un psiquiatra. Esaki ta bon pa bo mes. Un conseho mas Mike Eman, bandona politica y bay tuma un sosiego pa bo recupera.

MAL EHEMPEL PA PUEBLO, CREDEBILIDAD?

18935-1		Titel: WINKELDIEFSTAL		Begin: 15/12/1995	
		Nr:			
naam> SNEEK : ALFRED MARLON datum: 31/10/1972 land: ARA ARUBA : M : DAKOTA : SHIMARUKUSTRAT : LAND ARUBA : 13/05/2004 : OVERTIG					
naam> PAP PAPIAMENTO : STUDENT (I.P.A.) : N					
Geboortjaar : 1972 Nationaliteit: NL NEDERLANDSE Geboren te :					
PISHI? BURACHI?					
voor mogelijke waarden.					

Parlamentario di MEP, sr. Glenbert Croes:

MEP TA ALERTA GOBIERNO Y VALERO CU PUEBLO NO TA LAGA NAN DESMANTELA NOS REFINERIA REFINERIA TA FUTURO PA ARUBA

Cu dolor den nos alma nos ta mira cu Gobierno y Valero ta sigui hunga wega cu destino di nos Pueblo y e futuro desaroyo y progreso economico di nos Pais cu e decision cu Gobierno ta bay di acuerdo pa Valero desmantela e refineria. Nunca nos por a biba pensa cu e dia lo yega unda nos ta mira un Gobierno di Aruba aproba pa desmantela e di dos pilar economico di Aruba cu ta nos refineria. Nos ta mira awor den e Gobierno Anti Pueblo di AVP, Anti-Volks Partij. Nos ta realiza cu AVP y su Grupito di Amigonan cu ta tin interes den e negoshi di desmantela e refineria, cu ta mesun sed cu a pone Gobierno di AVP corta

e tubonan di e refineria 1986, awor atrobe ta nan interes ta domina riba e interes di henter un Pueblo y Pais cu kier mira e refineria habri bek y duna tanto yiu di terra trabao y genera entrada y progreso pa nos Pais. Valero a hunga wega cu AVP pa cera prome cu eleccion 2009 pa nan bin gaña habri ora AVP ta den Gobierno y haya e 75 milyon florin di BBO regalo di AVP; y AVP no a importa existi di Valero pa elimina e handling fee pa asina yuda baha prijs di awa y coriente. Gobierno di AVP A LAGA VALERO CERA E REFINERIA Y SIGUI HACI TRANSHIPMENT Y AVP NO A EXIGI VALERO ELIMINA E HANDLING FEE. Nos sa cu Valero tin



e Gobierno Anti - Pueblo di AVP domina. Nos sa cu ta Valero ta manda riba e Gobierno aki. Pero nos kier pa nos Pueblo sa cu Partido MEP ta bay lucha cu accion radical contra e desmantelacion di e refineria di Aruba como nos di dos pilar economico.

Por lo cual nos ta pidi TUR TRAHADOR DI LAGO/ESSO, COASTAL, EL PASO Y VALERO PA KEDA PENDIENTE PA UN REUNION GENERAL INFORMATIVO PA NOS TUR UNI FORZA Y PARA E DESMANTELACION DI E REFINERIA. E REFINERIA DI ARUBA TA

FUTURO DI ARUBA. IMF, BANCO CENTRAL, FITCH y STANDARD & POORS a resalta e impacto di e cierre di e refineria ariba Aruba su economia. Esey mester ponebo yega na e conclusion cu habri e refineria bek mester ta un di PRIORIDADNAN maximo pa Gobierno. Pa e Gobierno di AVP lamentablemente no! NADA CUTANA INTERES DI PUEBLO AKI TA BON PA AVP, TUR COS CU TA BON PA AVP Y SU GRUPITO TA ESEY TA E UNICO INTERES CU TA MANDA Y DETERMINA E GOBIERNO AKI SU DECISIONNAN. MEP NO TA BAY PARA UN BANDA LAGA ESAKI PASA.

Acto di coordinadornan ta prueba cu.....

AVP TA DESESPERA!

PARTIMENTO DI PAMFLETA TA MUESTRA CU AVP NO KIER DEBATE CFT

Loke cu mester tabata un manifestacion pacifico, casi por a bay for di man ora cu riba ordo di Mike Eman, coordinadornan a sali pafor ta parti pamfleta contra Evelyn. Ora cu e publico a tuma nota di e acto di cobardia aki, e situacion a casi bay for di man. Algun manifestante a wordo provoca y a reacciona door di manda mokete den cara di un bodyguard di Mike. E bodyguard a bay straight vloer mientras cu otro coordinadornan tabata wordo pusha. E publico a traha un kring, estilo 'ban pasa un rondo' y dje forma ey e coordinadornan a wordo pusha hinca bek den oficina y e ultimo a core cera e porta masha liher. Esaki a muestra un vez mas cu e publico no ta acepta soketada di Mike y ni di e coordinadornan. Pacifico no kier meen cu ta tolera chambonada di AVP y su chupadornan riba payroll.

Un pa un, tur 8 coordinador a drenta cu lomba bek paden, pasobra nan a realiza cu e cos ta mas serio di loke nan

mes ta kere. Nos ta spera cu aki tur e popchinan di AVP, Dilma, Patrick, Elizette, Dowers, Speed y tur otro pagatino di e provocacion aki cu ta un otro violacion riba e derecho di manifestacion. Cada manifestante mester por manifesta den paz sin provocacion.

No ta prome vez, pasobra di cu Rocky a manifesta, ey tambe un coordinador a sali pa tira donderboos o vuurpijl. Actonan asina ta muestra actonan di desesperacion. AVP ta bati y ya no por debate riba situacion financiero, pasobra nan a plunder e pais aki. Y no ta keda nan nada otro di tira cu lodo cual ta un strategia di abuelo Eman cu tambe a traha pamfleta y despues a wordo castiga cu castigo di prison door di huez.

Loke a sosode ta pone nos cende e flashlight fiba famia Arends, doñonan di Canal 90. Nos a bin compronde cu e famia aki ta mescos un stofzuiger di placa. Chupa

nan ta chupa placa di pueblo y hopi ta enrikeciendo nan mes cu placa di pueblo. Nan tin actualmente edificio na huur cu gobierno na 20 mil

florin pa luna. Di e huur aki cu ta enrikice nan mes, di esaki ningun musca ta bula. Sinembargo nos lo bay investiga y lo trece un pamfleta

riba famia Arends di Canal 90, kende a goza di miyones y miyones di nos pueblo den e ultimo 5 añanan.

www.MioAruba.com
600-0077
Like us on Facebook at Mio Aruba
Fair use policy applies

NO
WIRELESS

Na Tanki Leendert:

Un chauffeur a dal tras di e pick-up su dilanti



Diarazon mainta a drenta informe di un accidente na Tanki Leendert. Mesora a dirigi un patruya pa e sitio. Na yegada di e patruya a bin comprende cu aki tabata trata di un accidente

unda cu chauffeur di e Nissan Skyline no a regula su velocidad, ni a mantene distancia y a bay dal tras di un truck. Afortunadamente ningun hende a resulta herida.

Francis Jacobs di MEP:

Kico a pasa cu Corsou ta wordo nomina den ultimo edicion di Cruise insight como number uno den Caribe y Aruba no?

Recientemente nos por a lesa den medionan di comunicacion cu nos hermana isla Corsou a wordo nomina number un entre e 50 paisnan cu a sobresali riba tur otro isla den Caribe den 2013. Wel esaki ta di aplaudi pa e ciudadanonan di Corsou y ta muestra cu Corsou si tin un gobierno cu ta traha pa su comunidad, su ciudadanonan cu amor, sentimento y pasion. Awor ta kico a pasa anto, cu tur e viahenan cu nos Minister di Turismo a haci rond mundo pa aumenta turismo crucero pa ta e number un den e region aki y awor a resulta cu Corsou ta e top den e promer 50 nan den 2013.

ATA tin profesionalnan

Mi a traha casi 19 aña na Aruba Tourism Authority riba tereno di promocion, tanto local como internacional y mi tin di bisa cu ATA ta un organizacion cu tin ehecutivonan profesional na e momentonan aki riba nivelnan academico cu sa nan trabao, pero tin di lucha dia pa dia riba situacion di medidanan riba turismo cu ta pone



nan trabao bira mucho mas dificil. Kico mi kier bisa cu esaki ta simpel: ATA por mercadea cu tur energia cu nan tin riba un base di sacrificio pa haci Aruba e destinacion mas preferi, sinembargo nos tin un Minister a haci y ta haciendo y lo sigui haci Aruba como un destinacion mas caro den region, cu ta pone cu hamas y nunca e plan di mercadeo di ATA lo por funciona y esaki lo hiba Aruba na perde nos unico pilar economico cu ta nos turismo.

Medidanan riba turismo:
- Ley pa cobra un extra belasting riba kambenan;
- Cobranza riba e prijs pa kamber pa seguridad (y

mas turista ta bira victima di ladroncia na hotelnan);
- Extra belasting na aeropuerto;
- Aumento di coriente lo cay ariba e turista;
- Lo bin cu un belasting riba e taxinan;
- Lo bin un belasting riba autonan di huur;
- Lo bin un extra belasting riba tourbusnan. Pa añanan caba Aruba tabata conoci como destinacion di un Aruba hopi sigur y hopi amabel (friendly and happy island), sinembargo na e momento aki Aruba ta conoci pa ta un isla hopi caro sin seguridad y practicamente ta perdiendo su amabilidad tambe, danki na e malmaneho di nos Minister di Turismo Otmar Oduber.

Dama corta cu cuchiu pa un conocido di polis na un cas na Mabon

Diamars mainta a drenta informe di un asistencia na un cas na Mabon. Mesora a dirigi un patruya pa e sitio. Na yegada di e patruya a bin comprende cu un conocido di polis a maltrata y a corta un dama cu un cuchiu. Mirando cu no tabata tin

ambulance disponible, un patruya a transporta e victima pa Imsan. Eynan el'a ser atendi pa e mediconan pero e caso no tabata di e serio ey pa bay hospital y polis a bay cun'e na warda di polis San Nicolas pa e entrega keho na recherche.



Parlamentario di MEP, mr. Xiomara Ruiz-Maduro:

Minister Eman debe Pueblo y Gobernador un despensa pa su comportacion bao di nivel

E siman aki Minister Eman a publica un articulo den prensa pa splica di su promer bishita na Gobernador despues di tur incidente rond di e hecho cu Gobernador no a firma presupuesto 2014. Den e articulo Minister Eman a indica cu tempo ta cura tur herida y nos tin cu laga tempo pasa. Di e manera aki Minister Eman kier a pone man riba e herida cu el'a ocasiona cu su comportacion bao di nivel cu Pueblo por a experencia den e dianan cu e mandatario a bay den huelga di hamber. Pero e herida grandi y profundo aki bo no ta cure door di bin papia bunita y haci zelig awor. Den nos opinion Minister Eman mester pidi Pueblo y specialmente Gobernador di Aruba despensa pa locual ela haci.


E solo hecho cu Minister Eman despues di a ricibi un KB pa investiga e maneho financiero di su gabinete, a scoge pa bay den un huelga di hamber dilanti di oficina di Gobernador, ta un falta di respet. Banda di esaki Minister Eman a laga fomenta rabia y odio den nos comunidad contra nos Gobernador y contra tur locual e instituto di Gobernador ta representa na nos Pais. Sigur e uso di e frasenan cu Gobernador a secuestra gobernacion y bisando cu nos Pais ta wordo verkracht pa Hulanda ta expresionnan cu ta pone berguenza na cara di nos Pais. Ta bin acerca e manera cu Minister Eman publicamente a bay sinta duna detaye con na tres ocasion el'a duna Gobernador beneficio di duda den su nombracion y prolongacion como Gobernador siendo cu e

ta sali for di seno di MEP, ta un falta di respet y etica. Pa nos no bay den detaye con hasta a bay cuestiona e decedencia y famia di nos Gobernador, cual ta un nivel hopi abao y inaceptabel pa un

Minister President di nos Pais.

Pesey ta na su lugar pa Minister Eman ofrece despensa na Pueblo y na Gobernador pa su comportacion bao di

nivel. E cuenta di pone un pleister den forma di palabra bunita y hacimento di zelig no ta cura e herida cu Minister Eman a causa na e Pais aki



Ban hunto Move pa Bida!

Join RBC Royal Bank hunto cu Koningin Wilhelmina Fonds (KWF) y Arubazumba Fitness den su di cuater edicion di su "Move pa Bida" fundraising Zumba Event ' Laser Edition'! Tur fondo recauda ta destina pa cuido y prevencion di cancer di mucha.

Con pa participa?

Por pasa inscribi na RBC Sasaki Branch y tambe na oficina di KWF. Durante e evento tur hende por pasa na Aruba Entertainment Center y haci un donacion na e booth di KWF. Tur fondo recauda lo bay pa Koningin Wilhelmina Fonds.

Fecha:	Diaranson 29 di october 2014
Ora:	6.30 pm – 8.30 pm
Luga:	Aruba Entertainment Center
Inscripcion:	Afl. 15 (ta inclui un Neon T-shirt, refreshment y healthy snacks)



KONINGIN
WILHELMINA
FONDS



PARTY
EXPRESS



MANIFESTACION CU CONFRONTACION DI COORDINADOR NAN



DIADOMINGO
19 OKTOBER 2014
CLUB TRAPPERS

BBQ

DUSHI BBQ CHICKEN & RIBS
PA SOLAMENTE 15 FLORIN
CUMINSANDO FOR DI 12PM TE CU 3PM
PA MAS INFORMASHON POR JAMA
748-8280

Parlamentario di MEP, mr. Xiomara Ruiz-Maduro:

Minister Eman ta sigui gaña cu el'a haya nos Pais na bancarota na 2009

Minister Eman den su publicacion relaciona cu su promer bishita na Gobernador despues di su huelga di hamber, a haya ta bon pa lanza un cantidad di mentira atrobe cu mester wordo contra aresta debidamente, pasobra no ta husto pa nos Pueblo sigui wordo gaña pa e propio Minister President di nos Pais.

Asina nos ta haya Minister Eman ta bisa con su Gobernacion a enfrenta ora cu nan a tuma mando na 2009 cu un pais practicamente den bancarota, desempleo grandi di 13%, caida di un 15% di e economia y e pais no tabatin perspectiva pa futuro. Wel wel, nos Minister Eman definitivamente mester tin un problema cu e berdad. Ta con Minister Eman por bisa cu na 2009 el'a haya nos Pais den bancarota siendo cu na 2009 solamente 40 cent di cada florin tabata bay pa paga debe y awe danki na su mal maneho ta 80 cent di cada florin ta bay pa paga debe? Esaki ta informacion cu nos por lesa preto riba blanco den e rapport di CFT, pero tambe den e rapportnan di IMF, Standard and Poor's y Fitch esaki ta wordo menciona. Ademá si nos Pais tabata den bancarota, con bin cu Gabinete Eman tabata tin 76 milyon florin pa regala Valero na 2010?

Pa locual ta trata desempleo Minister Eman mester bira mas serio. Valero a cera, restaurantnan a cera, hotelnan a



manda hende cas, banco a manda full un departamento cas, negoshinan di Caya Betico Croes a cera y manda hende cas, Gabinete Eman mes ta mandando hende cas anto ainda Minister Eman kier pretende cu desempleo awe ta hopi menos cu e 10,6% na 2010? Ta bon conoci cu Minister Oduber tempo e tabata encarga cu labor a busca tur manera pa camufla e cifranan di labor, te cu ta na su kantoor mester a voer in cifra pa asina por tin control pa cos por muestra mihor cu e ta. Mira con nos actual Minister Croes di labor mes a bruha den cifra bisando cu tin 7000 hende sin trabao pa despues bisa cu ta eror el'a haci y ta 4700 hende tin sin trabao cual ta significa un desempleo di 9%. Den un situacion asina ta su hendenan so Minister Eman lo por a yuda cu un trabao, pasobra ta un cantidad di hende ta en busca di trabao y no por haya uno.

E parti caminda Minister Eman ta referi na un caida di 15 % di e economia eyan Minister Eman ta lubida

di splica cu na 2009 mundo henter tabata pasando den un crisis financiero cu tambe a afecta nos Pais. Pero awe nos economia no ta lora danki na e crisis financiero cu Minister Eman mes a traha pa nos Pais cu lo dura te aña 2040 pa nos por libra di dje. Djis lesa e rapport di Fitch y esun di CFT y Pueblo lo por confirma con Minister Eman ta gaña. Minister

Eman definitivamente mester stop di abusa di e inteligencia di e Pueblo aki cu tanto mentira asina. E mentira aki ta haci nos Pais daño y lo traduci su mes den medidanan doloroso riba e Pueblo aki. Pesey Minister Eman mester muestra mas humildes y cuminsa papia e berdad envez di gaña na e manera patologico cu e ta bin ta haciendo.

STREA
di Fin di Aña
2014

E STREA ta bai cuminsa briya un biaha mas dia 17 di OCTOBER proximo
pa 9pm LIVE@Canal 22 & TOP FM

cu presentadornan estelar
SANDRA CROES & LYONEL DIRKSZ

Un programa jena cu AMBIENTE DI FIN DI AÑA, tipsnan,
recetanan, consehonan di belleza, variacion musical y hopi premios

Sintonise@Canal 22 & TOP FM

MIKE EMAN A MANDA COORDINADOR NAN BUSCA CONFRONTACION

Mike Eman ta LOCO y COBARDE



Durante manifestacion pacifico diarazon ultimo, prome minister Mike Eman a manda su coordinadornan parti un pamfleta defamando Evelyn Wever-Croes. E coordinadornan a baha masha hastro mes buscando confrontacion y a haya esaki tambe. Pa colmo un pamfleta yena cu mentira atrobe.

Ta bon mes cu Canal 22 tabata grabando hustamente e momento ey y por a graba tur cos. Cu e acto baho aki Mike Eman a caba di perde respet di hopi hopi hende. Un prome minister di e pais aki ta manda su hendenan busca confrontacion? Ta con baho bo por ta? Anto pa colmo haciendo redashi riba un hende muher? Algo masha masha tristo mes. Mike Eman no solamente a demostra cu e ta loco di cabez, sino awor ta demostra cobardia tambe. Ta cuanto miedo Mike Eman tin di Evelyn Wever-Croes? Demostrantenan a denuncia e acto baho aki na Hulanda y otro instancianan internacional mesora, desenmascarando Mike Eman poco poco. AVP poco poco ta para caba na nada den e decadencia aki.



FASHION 2 FIGURE
 @ BODY LOCKER
 located at Edgema Gardens / Moragaler 43-G / T. 5859777

MANIFESTACION CU CONFRONTACION DI COORDINADOR NAN



Homber a atrapa ladron cu ta horta webo di galiña

E homber R. a bay dialuna 12.45, warda di Polis pa duna keho di ladronia. Segun su declaracion e tin un criadero di galiña y el a atrapa un homber desconoci den su cura ta horta webo di galiña. E homber a core bay y R. a sigui su tras, pero na caminda, R. a tende un zonido manera di arma di candela y el a stop e persecucion. El a bisa cu e no a mira nada den su man. El a duna descripcion di e sospechoso. E sospechoso tabata bisti cu un T-shirt beige, cu petji y un rugtas di jeans. Polis a tuma e keho.

Hoben menaza cu cuchiu na De Vuyst

Asistencia di Polis a wordo pidi dialuna anochi, na De Vuyst pa un pelea. E muher G. a bisa cu un mucha homber a menaza su yiu homber cu un cuchiu. Polis a papia cu e mucha homber Q.G. kende a bisa cu el a haya problema cu e mucha homber R. door di un pelea cu a tuma luga, algun siman pasa na EPB. Q.G. a bisa Polisnan cu R. kier hink'e cu un cuchiu. Polisnan a busca den vecindario, pa busca R. pero no a topa cun'e. Polis a bisa Q. G. pa e bay oficina di Recherche.

Chauffeur burachi a dal auto

Polisnan a bay diamars pa 5:25, pa asisti Polisnan di San Nicolas, pa un accidente na altura di Valero. Polisnan a topa cu e auto Toyota A-57343 cu a dal contra un palma. Polisnan a topa cu e hombernan E.L., S.Z, B.D y S.D. E chauffeur S.Z. a wordo getest pa alcohol y el a supla 677ugl, pa cual a deten'e y a hib'e warda di Polis.

Pa motibonan imprevisto DIMAS ta cera

DIMAS ta notifica pa medio di e comunicado di prensa aki cu pa motibo cu ta fuera di nos alcance nos lo ta cera te cu dialuna 20 di Oktober.

confirma pa entrega un peticion di permiso di estadia temporario na DIMAS tentativamente ta hala pa otro siman y ta keda notifica lo siguiente - pa motibonan ariba menciona;

DIMAS ta pidi tur su clientenan pa tin comprension pa e situacion aki. Tene bon cuenta cu e cambionan aki riba menciona. DIMAS ta pidi alavez su disculpa pa cualkier inconveniencia cu esaki lo por trece cu ne

Tur cliente cu tin cita

Dialuna dia 13	→	dialuna proximo dia 20 di Oktober 2014 na e mesun orario
Diamars dia 14	→	diamars proximo dia 21 di Oktober 2014 na e mesun orario
Diarazon dia 15	→	diarazon proximo dia 22 di Oktober 2014 na e mesun orario
Diahuebs dia 16	→	diahuebs proximo dia 23 di Oktober 2014 na e mesun orario
Diabierna dia 17	→	diabierna proximo dia 24 di Oktober 2014 na e mesun orario

Bouncer a yama polis pa choller cu ta molestia turista

Asistencia di Polis a wordo pidi diamars pa 12:54, na Gusto Cafe unda un choller tabata molestia e turistanan. Un di e guardianan a bisa cu un choller cu tabata haciendo fastioso cu e turistanan. El a duna descripcion di e

choller. Polis a bay buske y a topa cune na altura di Tomato Charlies. E choller a resulta di ta C.G. cu a bisa cu e ta biba na Pos Chikito pero ta kedando cerca un famia. Polis a core cune for di e sitio.

Auto a keda sin tire dilanti cas

Polisnan a bay diamars pa 7:27, na un cas na Sividivi unda ladronnan a bay cu un tire di auto. E habitante H. a bisa cu el a bay drumi 9:00 y a laga su auto cera na yabi. Mainta el a lanta y a bay pafor y a mira cu e ladronnan a kita un tire patras y a bay cune. Ta trata di un Toyota Tercel blanco A-29140. Polis a tuma e keho.



Santa Cruz 110

Tel: 585-3323

Mens haircut

Afl. 20.00

Womans haircut

Afl. 25.00

SPECIAL SPECIAL

Special on Keratina

Special riba tur servicio

Yama hasi bo appointment.



Nos orario nobo di 9am pa

6pm. Pa cualkier ocason

special, request bo make up

profeshonal.
Bishita nos, tin un crew di
estilista profeshonal ta cla pa
atendebo.

TA HUUR
X PLATINUM / X WOK / X CELTAR
SITUA NA SANTA CRUZ 78
PA MAS INFO YAMA 594-1170 OF
593-5264



Gerick Croes di MEP:

Gabinete Eman no a logra cumpli cu nan propio "Balanced budget akkoord"

Ora cu paar di lunanan atras instancianan local manera Raad van Advies a señala cu e presupuesto 2014 ta uno irrealistico ta pasobra esaki por wordo argumenta cu hechonan. Manera ta conoci e intencion di Gobierno tabata pa implementa e "Balanced budget akkoord" pa supuestamente un dia sana e situacion financiero yegando un dia na un presupuesto balanza. Esaki ta encera cu gobierno lo a mara su mes na un maximo di 1.350 miyon di gasto anualmente (durante 4 año largo) mientras e entradanan di pais Aruba lo tin 1.150 miyon como base cu expectativa pa esaki crece anualmente. Den e rapport bo lo ripara cu CFT ta desbarata e "sistemática" totalmente.

Realidad di 'balanced budget' akkoord

Según CFT e hecho cu no a implementa e medidanan manera debe ser y cu lo a core un retraso lo tin mas consecuencia cual riesgo ta cu e deficit lo bay crece ainda mas. E intencion tabata pa implementa un suma total di medidanan den e presupuesto 2014 equivalente na 165 miyon florin reparti den e categorianan di gasto entre otro deal di APFA, subsidio, reduccion di personal, contribucion na AZV, aumento den eficiencia y menos placa den inversion. Consecuentemente e reduccion di e gastonan aki a pone cu e total di gastonan pa gobierno lo a bira 1.343 miyon (te ainda bao di e margen di 1.350 miyon proponi den e Balanced budget akkoord). Un di e promer componentenan cu

CFT a señala ta cu Gobierno lo mester haci un "vermogensbijdrage" na APFA di 170 miyon florin. Algo cu por cierto totalmente a wordo ignora, negligencia of kizas conscientemente a laga afor di e presupuesto original di 2014. Den principio gobierno e lo mester a corta 165 miyon florin reparti den e diferente categorianan di gasto por ehempel un suma di 30.6 miyon riba subsidionan. CFT a constata cu e suma aki no ta cuadra cu realidad pa e siguiente motibonan. E intencion di gobierno door di spaar placa riba onderstand, no a duna ningun tipo di resultado te cu awe. Den cuadro di esaki un suma di 4 miyon registra como "reduccion" no ta wordo considera realistico y esaki mester wordo coregi bek. Claramente ta un indicacion bon cla cu loke e minister di labor tur e tempo a papia nunca e por a substancie y proba cu e lo funciona. Te dia di awe fraccion di MEP no a ricibi ningun informacion cuanto persona a logra drenta mercado laboral y awor CFT ta cabi confirma cu nunca e "besparing" aki tabata realistico. Ademá di esaki Gobierno no tene cuenta cu un deficit di SVb na balor di 5 miyon cual según ley gobierno mester para responsabel pe. Pa loke ta trata e restructuración di Arubus esaki lo no trece 2.8 miyon cune. Esaki nan ta significa cu 11.8 miyon lo bini acerca riba e presupuesto den e categoria di subsidio y traspaso. Pa loke ta trata "spaar" riba costonan di overtime esaki tampoco tabata viabel y consecuentemente mester a "tel op" 1.5 miyon bek riba e suma di gastonan. Ademá di



loke a wordo menciona caba un suma di 23.3 miyon pa loke ta trata e di "landsbijdrage AZV" a wordo coregi tambe. All in all Loke Raad van Advies a señala den pasado relaciona cu e presupuesto tabata incompleto a wordo confirma door di CFT

señalando cu mester bin un ahustacion di 209 miyon florin den presupuesto 2014 haciendo e total na gastonan bira 1.553 miyon (envez di keda bao di 1.350)!

Nos di oposicion ta lamenta cu Gobierno mes

nunca tabatin e intencion di cumpli cu loke nan mes a propone y awor ta CFT cu luho di detayes basa riba nan evaluacion riba e presupuesto ta conclui cu Balanced budget akkoord nunca tabata un bon plan. Cu e implementacion di e balanced budget akkoord di parti Gabinete Eman lo a spera un deficit financiero di alrededor 4.6% siendo den realidad e presupuesto 2014 a mustra un deficit di 9.3% cual ta e dobel! E conclusion mester ta cu Gabinete Eman nunca por a cumpli cu nan propio Balanced budget akkoord awor imagina pa pueblo sigui confianan pa sigui maneha nos pais financieramente!

Do it Center
Shabá
Shopping
Night
SATURDAY
18th OCT, 2014
TILL 8:00 PM

Autentico
Anto cu Clase

Like us on
Facebook

Karel Maduro di MEP:

Periodismo of partidismo?

Pueblo di Aruba, ta bon pa boso mes lesa y comprende, kico un hende of un grupo di hende ta capaz di haci, con tal nan keda na poder. Aki mi ta referi na e ultimo acontecimentonan relaciona cu publicacion di informacion bancario di hendenan den comunidad. Especialmente di un politico den oposicion di Parlamento di Aruba. Semper ta bon pa cuminsa analiza e asunto for di comienso.

MOT ta riguroso

Pa cuminsa, un banco di principio nunca ta permiti un transaccion mas di p.e. 5000 florin pasa sin cu e banco ta puntra y haci averiguacionnan tocante e suma. Tambe bo mester yena formularionan necesario prome cu e transaccion keda cla! E departamento di MOT tambe ta riguroso riba cada transaccion financiero di un suma cuantioso cu ta pasa via banco, sin piedad y sin distincion di persona. Una vez bo mira cu ta sumanan cu a pasa via un NV pa un otro NV, bo sa mesora cu ta un business transaction esaki ta. Si acaso cu tin nomber di persona menciona, esaki ta bira solamente posibel door cu banco a identifica e persona cu mester ricibi e placa y banco mester a acepta e razon di e transaccion!! No ta existi favoritismo cerca ningun banco na Aruba (Banco di Paul so?).

Ta midi cu dos midi Asina ta cu bo por conclui cu 1. e informacion ta saca **DELIBERADAMENTE** pa haci daño na e politico, den e caso aki sra. Evelyn Wever, lider di partido MEP. 2. E asunto awor aki ta tambe cu ken cu ta por publica TUR informacion financiero di cualkier hende den corant, anto ningun instancia ta bisa nada tambe al respecto. Aki mi ta referi na e asociacion di banconan! Nan NO a sali condena e acto aki, at least



no publicamente. Ironia ta si cu den caso di ARUBUS, unda ta trata hende di Otmar Oduber y Otmar mes, pa e caso aki si asociacion di banco a hera kibra nan nek pa core y publica cu nunca ningun hende a yega di hack cuentanan bancario na Aruba. Waw, pa Otmar si y pa Evelyn no! E banco concerni, Banco di Caribe NV, tampoco a bin bisa publicamente cu nan ta condena esaki y ta buscando kende(nan) lo por ta es(nan) cu a haci e patraña aki y cu ki proposito.

Pakico ataca lider di MEP?

Ki dia Ontvanger ta laga of pidi banconan pa publica pagonan cu ta bini for di exterior pa Aruba, pa paga gastonan di negoshi di esnan biba na Aruba? E hendenan aki ta declarando e fondonan cu nan tin den exterior? Ki dia banconan ta laga publica e cuentanan bancario di e stichting di un tal De Meza, mencionando cuanto placa e ta hayando for di Valero? Cual comerciante mas ta na turno pa su cuentanan bancario wordo publica? Mas aun, esaki ta peligroso den caso cu abo caba di lanta placa y eventualmente e empleado/a di Banco di Caribe yama conociman di dje y informa nan asina'ki:

"Un homber tal tal bisti, tal haltura y color a caba di lanta tanto placa. Please bay su tras y bo por atrak'e y kita e placa aki for di dje". Dicon cu no, e ta posibel si un trahador ya a publica cuenta bancario den corant toch? Tur cos ta posibel ya cu e asociacion di banco NO tin nada contra aparentemente? E publicacion di cuenta bancario, MESTER tin un proposito destructivo politico, pero e pregunta ta keda: Dicon mester ataca lider di MEP asina feroz y baho?

Incapacidad

Aruba no ta den campaña electoral den 2014 of si? Gobierno di AVP ta tambaleando anto cu e posibilidad di cay, asina mes cu 13 parlamentario? Gobierno ta spera di wordo manda cas pa un "tiro de gracia" den forma di un ultimatum K.B. door di Hulanda pa motibo di **INCOMPETENCIA** y **INCAPACIDAD** gubernamental? Esaki door cu Hulanda awor porfin sa corectamente di e situacion financiero na pais Aruba, a base di e investigacion di CFT su rapport? Dicon no a publica e cuenta bancario di sra. Laila kende **TAMBE** tabata parlamentario na Aruba? Di con e corant concerni no tabata tin e curashi di publica esaki of nan no por haci periodismo sino solamente politica partidista? Ami personalmente ta condena un asunto asina bao di nivel pero di otro banda esaki ta duna pueblo di Aruba di conoce, ki clase di mentalidad ta existi entre e hendenan cu tin compromiso financiero y cu ta completamente dependiente di e gobierno actual pa nan entrada. Pesey mes nan a bisa: "Ami no ta periodista, ami ta AVP mi ta".

DIOS spaar Aruba.

Mata di kwihi grandi a cay riba un auto na Eagle Beach



Diamars atardi a drenta informe cu un mata a cay riba un auto na Eagle Beach. Mesora a dirigi un patruya pa e sitio. Na yegada di e patruya a bin constata cu un mata di kwihi basta grandi lo a cay riba un Hyundai Accent, causando bastante daño

na e auto. A solicita presencia di e equipo di rescate di bombero pa asina a logra saca e auto for di bao di e mata. Na yegada di e bomberonan a corta varios di e troncon nan pa asina a saca e auto cu a keda destrui

MADURO HEAVY EQUIPMENT N.V.

Santo pa Basha, Santo pa Pleister,

Crushed Sand, Piedra, Tera pa

Mata, Graniet. Tambe nos ta Rosa

Tereno, Coba Pos y Fundeshi.

ROOI BOSAL 49

TEL.: 585-1708



DI PARLAMENTO, MARISOL LOPEZ- TROMP TA BOYCOT DOCUMENTONAN DI MEP MARISOL TA NENGA DI REGISTRA PETICIONNAN DI MEP

Dictadura ta yegando e punto culminante den Parlamento di Aruba. Un presidente di parlamento rencoroso cu cada dia ta demostra su envidia pa cu e partido cu e mes a traiciona, MEP.

Aparte cu Marisol ta nenga categoricamente di yama e reunionnan publico cu MEP ta pidi, awor e ta bay mas leu. Awor Marisol ta nenga di registra documentonan di fraccion di MEP. Es mas Marisol a bay asina leu pa prohibi personal di Staten pa registra e peticionnan y cartanan di MEP sino e ta core cu nan; mester cu el'a core cu e Griffer caba y ta coriendo cu mas hende. Kier meen: cartanan cu fraccion di MEP ta manda ta wordo selecta, esunnan cu Marisol haya ta bon, e ta laga registra. Esunnan cu Marisol no ta gusta, e no ta laga registra! Nos ta puntra nos mes, te con leu envidia y odio por ciega hende te hasta den su trabao.

Marisol, bo no a bira lider di MEP, biba cun'e. Abo a bula cura pa un oferta cu bo no por a nenga, stop

di yora awor. Realiza cu e posicion di presidente di parlamento ta un posicion sumamente importante den nos sistema constitucional y no tin lugar pa jaloezie infantil. Ora MEP skirbi carta, bo tin cu registr'e. Ora MEP reclama bo cu bo ta drecha bo salario den 6 minuut, bo mester registr'e. Ora MEP reclama cu bo ta yama reunion riba man y stroba nos parlamentarionan di yega, bo mester registra e carta ey. Dicon? Pasobra e ta parti di historia di parlamento y ningun hende tin derecho di elimina esey. Bo no por keda hunga dictador djis pa tapa pa Mike Eman. Ta yega un dia cu abo tambe mester duna cuenta na bo yiunan y nan yiunan y splica nan dicon bo a ehecuta bo trabao, guia pa tanto odio y rencor.

MEP no ta laga e asunto aki te akinan. Di awe en adelante tur carta MEP ta manda directamente pa Gobernador y pa tur politico na Hulanda. Ya tur hende ta haya sa mesora ki tipo di dictadura nos tin aki na Aruba.

Chris Romero, parlamentario di MEP:

Prijs di petroleo ta cayendo mientras prijs di coriente ta subi



Nos a tuma nota di e hecho cu e bari di petroleo a bolbe conoce un caida den prijs bayendo rond di 81 dollar pa bari. Ta di remarca cu keto bay WEB lo ta cumprando fuel oil na un balor di mas o menos 100 dollar pa bari. E pregunta cu ta surgi ta: Con esaki ta posibel? Imagina un rato cu nos mokete ta e petroleo y cu ora bo bay refina esaki bo lo tin diferente derivado di e petroleo aki. Ora bo habri bo man bo 5 dedenan por representa e diferente productonan cu bo por saca di petroleo, entre otro LPG, kerosin, gasolin

, fuel oil y tambe asphalt. Loke mi kier clarifica cu esaki ta lo siguiente. Gasolin ta subi y baha keto bay siendo cu esaki ta un producto original for di petroleo y mara na prijsnan internacional. Incomprendibel ta cu fuel oil tambe ta bini for di petroleo y net ora cu e bari di petroleo baha esaki no tin ningun efecto riba dje. Tempo MEP tabata den gobernacion tabata ser bisa cu bari di petroleo ta subi y esaki ta significa cu mester aumenta tarificanan di utilidad. Pero awor si esaki no ta tuma lugar! Ta ki tipo di negociacionnan ta wordo haci anto? Ta di

lamenta cu no tin un logica y awendia e aumento di 15% ya ta vigente caba riba lomba di pueblo. E unico cos cu pueblo lo por haci pa absorba e aumento di 15% di coriente aki lo mester reduci e uso di nos aparatonan electronico cu 15%. Si bo ta usando un aparato durante 10 ora pa dia lo significa cu bo mester usa solamente 8.5 ora. Esaki ta djis pa duna un ehempel simpel. Nos ta spera si cu Gobierno no sali bisa pafor atrobe cu pasobra pueblo ta mas consciente di nan uso prijs di utilidad mester bolbe subi!


MESTER DI PLACA? EMPEÑA Y CUMpra ORO

PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIERNA



Casibari Café, victima di ladronicia

Asistencia di Polis a wordo pidi diamars pa 6:48, na Casibari Café, pa un kiebri y ladronicia. E homber R. a bisa cu dialuna 23.00, su casa a laga e lugar cera na yabi y intacto. Mainta ora cu e trahador a bin pa haci limpi, el'a mira cu desconocirnan a kibra e bentana di palo. El'a bisa cu nan a bay cu diferente botter di bebida dialcohol. Tambe nan a kibra e dak pa bay den e tienda, pero e no sa kico nan a bay cune. Un lista lo wordo traha.

Destruccion di bentana na Aqua Grill

Presencia di Polis a wordo pidi diamars pa 7.22, na Aqua Grill pa un destruccion. E muher B. a bisa cu dialuna pa 12:00 nan a cera e lugar y a lagu'e intacto. Mas o menos 7.30, nan a mira cu e glas di e bentana parti pariba di e edificio kibra. Den e bar tabatin un piedra, cu supuestamente a wordo usa pa kibra e glas. Polis a tuma e keho.

Polisnan a haya auto procedente di ladronicia den Lagoenweg

Polisnan a bay diamars pa 8:07, den Willemstraat na unda un auto berde a wordo laga atras. Ta trata di Daewoo Lanos, A-7750. Ora cu e controla a resulta cu e auto ta procedente di ladronicia. Takelwagen a bin na e sitio y a hiba e auto warda di Santa Cruz pa investigacion.

Ladronicia den cas na Paradera

Centra a manda Polisnan diamars pa 14:01, na un cas na Paradera pa un kiebri y ladronicia. E homber M. a bisa cu e ta kedando temporalmente den cas di su mayornan y ta autoriza pa duna keho, mirando cu e tata a sali for di hospital y no ta papia bon. El'a declara cu dialuna el' a sali cu su mama mainta 7.30 y a laga e cas na yabi y e mesun dia nan a bolbe 13.45 y a mira cu henter e cas tabata reboltia. El'a bisa cu nan a mira e porta patras forza. Ladronnan a bay cu un laptop blanco di e marca Compaq cq58, di un balor di fl. 666.09, cu tabata scondi bao di e sofa den sala. Tambe nan a bay cu un Ipad preto di 10.7" cu charger. Polis a tuma e keho.

Demostracion di looplijn na bo bario a cuminsa



Plataforma Ley di Cacho ta den full swing dunando informacion na pueblo pa tur doño di cacho ta bon prepara ora e Ley di Cacho drenta na vigor, entre otro demostrando e "looplijn" na diferente lugar na Aruba. "Nos

no kier pa hende haya boet despues di dia promer di Januari 2015, pero ta importante pa sa cu bo mester tene bo cacho den bo cura" Pa mas informacion por bishita Facebook Plataforma Ley di Cacho.

TOTAL 10.000,- NA PREMIO CASH

GRITA BINGO!

Y GANA DIFERENTE PREMIO

FECHA DIABIerna 31 OKTOBER 2014
LUGAR CLUB CAIQUETIO
ORA 6'OR POR CUMINSA REGISTRA
TICKET PRICE 10,00 AWG

2ND PRIZE 1000 AWG **1ST PRIZE 3500 AWG** **3RD PRIZE 300 AWG**

mep

f /MEPofficial
WWW.MEP.AW

Solo Local.....

Manifestantenan a core cu coordinadornan di Mike

Nan a core drenta paden mescos cu mucha

Tur spanta (pa nos no bisa kk) e coordinadornan di Mike a keda ora cu manifestantenan pacifico a pone ordo durante di manifestacion. Poco coordinador a kere cu ta facil pa sali pafor parti pamfleta. Ora cu publico a tuma nota di e acto baho y repudiabel, nan a ocasiona un disturbio. E manifestantenan a baha riba nan y a keda cera nan te cu nan a core drenta paden mescos cu mucha.

Cuanto instigacion mas AVP kier crea den e pais

aki? Nan no por respeta un manifestacion pacifico?

AVP ta culpabel atrobe di a provoca manifestantenan. Prome cu cacho, despues cu Riot y awor cu pamfleta.

Mike no mester lubida con nan a bolter auto di su padushi na Lago na añanan 1950! Ta algo asina Mike ta busca? Provocacion pa escala cualkier accion contra su persona?

Aparentemente e tin poco mal consehero!



Parlamentario di MEP, sr. Glenbert Croes :

Lider di MEP a scapa e dignidad y honor di pueblo di Aruba



De conferencia di prensa di diarazon ultimo parlamentario Glenbert Croes a duna su opinion riba atakenan di parlamentario di AVP riba lider di MEP. "E strategia di AVP pa dirigi tur atake riba lider di MEP a inicia despues cu el'a regresa for

kier purba tapa e realidad di nos estado financiero door di atacha e nomber di nos lider, mr. Evelyn Wever-Croes.

Nos kier pa pueblo sa cu nos confianza den nos lider ta mas grandi cu nunca y nos ta

di Hulanda pa asina s c a p a honor y dignidad di e pueblo aki. Ta obvio e gobierno aki no ta respetando su mes y a falta respet na e pueblo cu e desgracia financiero confirma door di CFT. En conexi3n cu esaki

convenci cu nos lider tin cualidadnan profesional, humano, organizatorio y cu sentimentonan pa e pueblo. Esakinan ta caracteristicanan netamente necesario pa por bay guia nos pais den e rumbo cu e merece. Ta di lamenta cu den 5 aña di gobernacion AVP a desgracia nos pais financieramente. Hecho ta cu danki na e mal manejo financiero esaki tin consecuencianan pa e futuro generacionan pasobra e lo bay tuma nos te aña 2040 pa por yega na e nivelnan cu esaki tabata na 2009. A base di esakinan nos kier pa nos lider tin e tranquilidad y firmeza cu ora partido AVP papia malo di bo, ta pasobra hustamente bo accionnan ta bon cualnan lo bay hiba nos pais den e rumbo cu e merece, segun parlamentario Glenbert Croes.

Kortsluiting ta causante di candela den plafond



Diarazon atardi Brandweer y Polis ta bay Kanariestraat pa un cas cu huma saliendo. Brandweer mes ora ta cuminsa na waak di unda e huma ta sali. Berdad

nan tambe ta comproba cu huma ta saliendo di e dak. E doño di e cas a bisa cu aparentemente coriente lo a bay y ora ela bin bek huma lo a cuminsa sali. A bin resulta cu un

kortsluiting lo a causa cu algo a kima den e plafond y tabata saca huma. Elmar tambe a presenta na e cas pa asina kita e coriente y pa mañan revis'e completamente.

Solo Local.....

Entrada hudicial na 20 cas en conexion cu un investigacion riba un mega caso di labamento di placa



Diamars for di oranan di mainta na e provincia di Gelderland na Hulanda, autoridad a haci entrada hudicial na 20 cas, na diferente parti di e provincia aki. Aparentemente autoridad pa mas cu un anja tabata investigando e organisashon criminal aki. E organizacion tabata consisti di 9 persona di cual tres ta sospechoso principal. Aparentemente ta trata di traficacion di marihuana cu lo a genera mas o menos 25 milyon Euro.

Un parti di e placa aki lo a wordo hiba pa Turkia, aparentemente como contrabanda scondi den auto. E comunicashon entre e sospechosonan mayoria a wordo hasi via Blackberry messenger cual segun polis ta dificil pa wordo getap.

Durante e entradanan

hudicial autoridad a hasi uso di expertisio di militar pa buska den areanan scondi. Na e mesun momento cu na Hulanda a tuma lugar e entradanan hudicial, na Turkia tambe autoridadnan a hasi entrada hudicial na tres diferente lugar. E entradanan hudicial a wordo hasi na Arnhem, Velp, Oosterbeek, Duiven, Zutphen, Apeldoorn y Haaksbergen. Na tres adres a haya plantashon di marihuana, of restante di plantashonnan, eyan a detene dos persona, tambe otro dos persona mas a keda deteni, nan a wordo haya cu arma di candela. Husticia na Hulanda a confisca tres cas, un chalet, 8 auto, un boto, tambe un cantidad grandi di placa. E caso grandi aki ainda ta sigui bou investigashon.

ELMAR cu machine pa recarga auto nan electronico, operacional den e dia nan nos dilanti

Informacion cu nos a ricibi ta indica cu awor ELMAR na Hato ta dispone di un machine super moderno pa recarga auto nan electronico. E machin aki yama ELECTRIC VEHICLE FAST CHARGER. Un aparato segun nos por comprende hopi caro mes. Segun informacion cu ta keda drenta ta cu TUR persona cu ta dispone di un auto cu

ta usa coriente aki nan por pasa y recarga e bateria. Aparentemente ELMAR lo ofrece tur e persona nan aki cu tin un auto asina e prome 3 luna nan gratis. Pues manera bo ta tende segun informe nan no oficial ELMAR lo duna e persona nan aki e prome 3 luna nan gratis pa recarga nan auto. Un gesto cu sigur esnan cu ta dispone di un auto asina lo sa di

probecha e tres luna nan ey. Pues di un banda ta hisa benta 15% di aumento ariba coriente pa x motibo y aki nan esnan cu ta dispone di un di e auto nan aki cu no ta barata lo por bay haya e prome tres lunan completamente gratis. Sigur cu nos lo sigui e desaroyo aki di cerca y waak kico di berdad tin tras di e machin caro aki.



PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Solo Local.....

Prensa a cuminsa haya nan calender di aña 2015 for di Brazil Taekwondo Stichting

Brazil Taekwondo Stichting a lansa su calender di aña 2015 cu ta ariba mercado caba y no por a keda sin entrega nos medianan di comunicacion e calender. E medianan di comunicacion ta sostene deporte y Brazil Taekwondo Stichting na grandi. E comentarionan cu a wordo duna door di prensa ta cu e calender ta mas bunita cu esun di e aña anterior y cu e tin bunita potret y pa keep it up with the good job. Algun miembro di prensa a gusta algun potret cu ta den e calender y nan a habri e pagina di e luna ey pa asina sali cune ariba potret. Si abo no tin un calender di Brazil

Taekwondo Stichting ainda, no worry pasobra e fin di siman aki e team di Train Hard Fight Smart lo bay ta ariba caya ta bende calender pa 10 florin soooooo y e fondo recauda ta bay pa e camp training na luna di Juni/Juli 2015.

Alberto Klabér a pasa na varios di e medianan di comunicacion pa haci entrega di e calender di aña 2015. Ainda ta falta algun pa haya nan calender. Brazil Taekwondo Stichting ta bay trata di entrega tur e otroan cu ta falta pa e siman aki ainda. Mester bisa danki na nos medianan di comunicacion cu ta para fuerte tras

di e concurso pa fin di aña di Brazil Taekwondo Stichting cu lo termina dia 1 di December y lo

haci entrega di e premio na esun ganador dia 13 di December durante di e cena di pasco di Brazil

Taekwondo Stichting.



Solo Local....

Complete HydroPonics Starter Kit



Included in this kit:

Bubbleponics® Base Reservoir System

Provides a 6 gallon reservoir of nutrient solution.

Use the six gallon line for easy measuring and adding of nutrient mix. The tight lid houses six four inch net pots with feeder hoses attached.

Pro Drainage Kit

Easy and simplistic drainage which also allows one to connect to an external reservoir.

Six 3.75" Inch Net Pots

130+ gal/hour Pump w/ Feed Tubing

Powerful and durable pump ensures rapid circulation of nutrient solution.

Air Pump w/ Ceramic Air Stone and Tubing

Six Rockwool Cubes

Rockwool cubes are the ideal medium for starting seedlings or cuttings.

Hydroton Grow Rocks

Afls: 685,00

Yama :600-0641

Dell Gs641 Optiplex Complete Bundle LCD Monitor

- Intel Pentium4 2.8 Ghz, FAST 80GB Hard Drive SATA
- DVD-Rom (Reads CDs and DVDs)
- FAST 2GB DDR2 RAM Memory, Integrated Video Intel GMA950
- Dell 19" LCD Monitor (VGA and Power Cords Included)
- Keyboard, Mouse, Power Cord, Recovery OS CD Included (Win7/Office2013/AntiSpyware Lifetime/Burning Software)
- One Year Full Warranty

Afls:775,=

"Cumpra mas di 5 y haye Afls:100,= mas barata pa cada uno"

RESULTADO DI REUNION ENTRE OPPA Y MINISTRO DI FINANASAS 1 OCTOBER ULTIMO

Pa medio di esaki directiva di OPPA ta desea di comunica lo siguiente na su miembronan.

Diaranson mainta 1 di october 2014 Minister di Finanzas Sr. mr. Angel Bermudez, despues cu OPPA a solicita un reunion cu ne por escrito desde 7 di augustus 2014, a invita directiva di OPPA pa un reunion na su oficina pa 11:00 AM. Den dicho reunion a trata e siguiente puntonan di agenda cu OPPA a presenta na Minister: Pago di Najaarspremie/ Gelijkbedrag 2014 den luna di december; pago di Voorjaarspremie/ Bashipremie na januari 2015; aanspraak riba e inhaalmanoeuvre pa nos penshonadonan manera stipula den e acuerdo bilateral cu gobierno a introduci pa ambtenaarnan; e reparatietoelag di Afl.

850 manera stipula den acuerdo bilateral y por ultimo representacion di OPPA den e reformashon di reglamento nobo di APFA. Comokiera cu e Minister actual no tawata na altura di loke ta pasando a informe den forma conciso di e desaroyonan cu a tuma lugar cu e Minister di Finanzas anterior. Locual Minister Bermudez a informanosta, cu gobierno NO a presupuesta e Gelijkbedrag den e presupuesto 2014 y como tal NO tin pago di esaki den luna di december awor na penshonadonan. Den futuro esaki tampoco lo ta e caso. Pues tanto e Bashipremie como Gelijkbedrag no ta worde paga mas na penshonadonan. No a keda directiva di OPPA otro di comunica Minister di Finanzas cu OPPA lo pone e caso aki den man

di abogado pa entama un caso contra pais Aruba. E contesta di Minister tawata cu OPPA tin tur derecho di cana e caminda legal pa busca derecho di su miembronan. A cumbini cu Minister cu e lo manda directiva di OPPA un carta den cual e ta confirma cu gobierno a tuma e decision cu no lo paga e Gelijkbedrag ni e Bashipremie mas na penshonadonan. Dia 10 di october ultimo directiva a manda un carta pa Minister pa cord' e riba su palabracion haci cu OPPA encuanto e carta confirmacion aki. Te cu awe nos no a ricibi ningun contesta di Minister. Directiva di OPPA ta informa miembronan cu mientras tanto a tuma contacto cu abogado y e la cuminsa studia e caso. Ta pidi miembronan pa keda pendiente y vigila e futuro desaroyonan.

Pasahero problematico ta manda un bommelding y ta keda deteni



Diamars anochi Koninklijke Marechaussee na Schiphol ta detene un homber frances di 67 aña despues cu el'a manda un bommelding. Pa motibo cu el'a wordo nenga pa

subi abordo. E pasahero Frances tabata para na e counter di check in, unda el'a malcomporta su mes cu un purser. E capitan riba e vuelo a dicidi cu e homber aki

no ta wordo permiti di subi avion mirando su comportacion, di rabia e homber a grita cu tin un bom den su maleta, mesora a baha su maleta for di avion y a usa cacho special pa controla si enberdad den e maleta lo por tin un bom. Despues cu a keda confirma cu no tin niun bom den e maleta of abordo e avion, e avion por a sali, cu un poco retraso pero sin e pasahero Frances problematico. E homber Frances a keda deteni pa su malcomportacion y despues di a paga un boet di 500 Euro, el'a a wordo laga den libertad.

Solo Local....


“Agricultor, Criadornan y Piscadornan local ta hunga un papel sumamente importante den e alimentacion di nos isla”

Departamento di Agricultura, Cria y Pesca cu palabranan di elogio en conexion cu Dia di Alimentacion

Oranjestad- Awe 16 di oktober mundo completo ta celebrando Dia di Alimentacion, proclama door di UNESCO como ana di Agricultura Familiar. Un dia unda cu mester pone extra enfasis ariba e papel importante cu cada Agricultor, Criador y Piscadornan ta hunga den e produccion di cuminda di cada pais, sosteniendo asina e Sector Primario cu ta di gran balor pa un pais of isla. E tema di "Agricultura Familiar, cuidando nos mama tera" a wordo escohi pa trese concientisacion

riba plantamento den famia y escala chikito, poniendo enfasis riba con e sistema di plantamento aki por yuda combati hamber mundial, provee seguridad di cuminda nutritivo, mehora norma y balornan di bida, hasi uso di recursonan natural y proteccion di naturalesa.

Mescos cu rond di mundo, Aruba tambe ta conta cu un grupo importantu ta forma parti di e sector primario kendenan riba nos isla tin como ocupacion y prioridad pa provee e comunidad



cu fruta, berdura, carni y cuminda di lama fresco. E otro factor bunita di e ofishi aki, ta e parti caminda cu gruponan di famia of amigonan ta bini hunto pa desplega un trabou cu ta rekeri orarionan largo den solo of ariba lama, pero cu e recompensa di por produci productonan fresco y saludabel pa tur nos habitantenan di Aruba. For di generacion pa generacion e practicanan aki a wordo pasa y adapta pa asina sigura produccion continuo di cuminda apesar di cambianan drastico den clima y espacio limita pa planta y cria.

Sistemanan innovativo manera Hydroponics, Aquaponics y Vertical planting a wordo adopta riba nos isla dor di e generacion nobo di Agricultornan kende ta planta usando menos espacio como tambe menos awa. Durante e anjanan por a tuma nota di e cantidad grandi di famianan cu ta uni hunto pa

planta na cas riba escala chikito, intercambiando productonan entre nan mes.

Criadornan local tambe ta continua cu nan practica apesar di e retonan cu modernisacion y construccionnan rond di nos isla ta trese cune sigurando cu durante ana y specialmente durante temporada di pasco y fin di ana, pueblo por conta cu carni fresco pa nan celebracion.

" Pa Santa Rosa, nos productornan local ta nos heroenan cu dia dia ta traha incansabel pa un biaha mas hasi di Agricultura, Cria y Pesca, un sector importante pa nos isla y establece un seguridad di cuminda cu mester wordo aprecia y balora pa asina hunto nos por sigi desaroya nos Sector Primario di Aruba", ta e mensahe di Sra. Nathalie Maduro, Directora di DLVV Santa Rosa den nomber di tur demas coleganan di

Santa Rosa.

Pa conmemora e Dia di Alimentacion, Santa Rosa lo ofrece coffee, Te y Pan Dushi fresco di cas na tur nos clientenan cu bishita Santa Rosa y nos kier invita tur hende pa pasa compra un mata di fruta y planta esaki den bo cura y asina yuda contribui pa nos isla por tin mas matanan di fruta cu den futuro lo yuda duna sombra y no ofrece frutanan fresco pa nos disfruta di dje.

E ekipo completo di Departamento di Agricultura, Cria y Pesca, Santa Rosa, kier felicita tur Agricultor, Criador y Piscador di Aruba ariba Dia di Alimentacion, pasobra danki na nan esfuerso y diario, nan ta percura pa tin produccion di cuminda pa nos comunidad.

"BAN SOSTENE NOS CULTURA, PRACTICA CRIA, PESCA Y AGRICULTURA"

Ta Bende



Chevrolet Epica 2006

Motor ta mescos nobo ,auto luhoso pa e young profeshonal.

**Gasolien , automatic ,4cylinder
Spaar gasoline cu Chevrolet Epica
Yama: 5694343**

NO ENFRENTA CANCER DI PECHO BO SO

Adress: Sabana Blanco 8 Tel: 588-9999



Solo Local.....



Departamento di Impuesto

Camacuriz, Oranjestad, Aruba

Tel: (592) 502 2423, fax: (592) 502 2420, info@aruba.aw, website: arw

Diasabra awor lo cuminsa duna ayudo pa yena e formulario di inkomenbelasting 2013

No tin mester di haci un cita

ORANJESTAD – Manera custumber, Departamento di Impuesto ta organisa un campaña pa brinda asistencia na e clientenan cu tin mester ayudo pa cu yensamento di e formulario di declaracion (aangiftebijel) di inkomenbelasting 2013. E campaña aki lo cuminsa diasabra awor, dia 18 di oktober, y lo continua te cu dia 1 di november 2014. Manera custumber den e prome siman parti mainta, lo duna atencion special na e pensionadonan. Pa ricibi ayudo no tin mester di haci un cita.

Kendeean por participa?

Departamento di Impuesto ta invita e pensionadonan y e personanan cu tin un entrada bruto di menos cu Arf. 50.000,- pa aña. Si ta trata di pareha casa, e entrada bruto mester ta menos cu Arf. 75.000,-.

E campaña no ta pa persona cu tin negoshi of cu ta traha riba su mes, por ehempel doño di taxi/tourbus, compania di construcion, restaurant/naektruck, oficina di administracion, pelukero etc. E grupo aki tin hopi mas requisito administrativo y fiscal pa cumpli cu ne y ta miho pa un consehero yuda e personanan aki si acaso nan mes no por yena e formulario.

Ma unda lo duna ayudo?

Aki ta sigui un skema cu e detayenan unda lo duna ayudo.

Fecha	Sitio	Orario
18 okt. – 25 okt. 2014	Oficina principal na Camacuri YMCA San Nicolas	8:00 am – 4:00 pm nonstop
27 okt. – 1 nov. 2014	Oficina principal na Camacuri Piedra Plat Entertainment Center	8:00 am – 4:00 pm nonstop

Trece documento

Departamento di Impuesto ta pidi su clientenan pa trece e formulario di declaracion hunto cu tur documento necesario relaciona cu entrada y gasto, tanto na Aruba como den exterior, manera:

- resumen di salario;
- resumen di entrada di huur di cas of apartamento;
- resumen di pension di biheres;
- resumen di pago periodico na huertano;
- carta di interes di banco y/of otro instancia;
- comprobante di prima di seguro di bida;
- comprobante di pago di alimentacion na ex-casa;
- comprobante di inscripcion di scol di yiu cu ta den exterior haciendo un estudio cu no ta posibel na Aruba;
- recibo di gasto di scol paga manera contribucion di scol, material di estudio y/of gasto di pasashi, pa yiu cu ta den exterior haciendo un estudio cu no ta posibel na Aruba;

Ta importante pa inclui tur comprobante necesario den e declaracion. Tambe ta recomenda pa e cliente mes yena e seccionnan cu ta trata su informacion personal y di su famia. Ta trata aki di e seccionnan 3, 4, 5 y 25. Si ta trata di un pareha casa, mester tin tambe e 'persoonsnummer' di e señora.

Dia 1 di november 2014 ta ultimo dia cu por ricibi ayudo. Despues di e fecha aki no lo brinda ayudo mas pa yena e formulario. E ultimo dia pa entrega e formulario di declaracion ta 3 di november 2014.

Gerencia di Departamento di Impuesto

15 di oktober 2014

Solo Local.....

Segun Alan Howell:

Pariba di brug tin mas cu suficiente deporte pa nos muchanan

Alan Howell tabata un di e poco personanan cu a concentra durante di campaña di eleccion 2013 riba deporte. Alan a haci un investigacion ariba deporte pariba di brug. Siguientemente lo ta pabao di brug. Resultado ta mustra cu tin mas cu suficiente deporte cu nos muchanan y hubentud por forma parti d dje. Logicamente no ta tur mucha gusta haci deporte. Pesey tin muchanan ta prefera toca un instrument, baile,

pinta, of actua ect. Ect. Cual porsier to tambe ta bon. Pero e investigacion encuestion ta concentra mas ariba deporte. Ainda tin bastante mucha pariba di brug cu no ta haci nada den nan ora liber. Haci nada den ora liber por ta un factor hopi biaha pa muchanan haci malo y haya nan mes den problema cu husticia of cay den droga. Mayornan tambe tin un poco culpa den esaki, mirando cu nos como mayor mester stimula nos yiunan pa


haci deporte. Tin muchanan a laga sa durante di e investigacion cu nan no ta haci deporte mas pa motibo no tin e steun di nan mayornan. Loke nan kiermen cu esaki ta por ehempel cu major no sa bin waak nan train of hunga ora di competencia. Tin varios deporte pa por practica pariba di brug por ehempel: Basket ball, Baseball di liga di baby te cu AA., Bike Cross, Voetbal,



Soft ball, Taekwando, Atletiek, Ping Pong, Tennis, Cross Fitness, Body building, Volley ball, Pin ball, Landamento y mucha mas deporte pa menciona. Alan kier a dji ilustra cuanto deporte tin y pa prueba cu no tin niun motibo pa bisa cu no tin suficiente deporte pa practica pariba di brug. Pronto lo tin e apertura oficial di Joe Laveist Ball Park, caminda nos hoben nan lo por practica nan deporte den gran forma. Mester manda un danki ,

pabien y palabra di aprecio pa tur e entrenadornan y lider di cada un deporte, pa dedica nan tempo liber na nos muchanan y gratis. Alan kier a encurasha nos muchanan y hoben nan pa acerca un team y haci deporte. Asina nos lo tin menos mucha den droga y den man di husticia. Pero mas mucha sano, cu e mayornan y Aruba por ta orguyoso di dje. "The small man for the people and the people for the small man."

Bolo, chupabebe, dulce de leche, dushi di coco y hopi cos dushi mas



Haci bo pedido na 7405660 serca Glenda!

Complete HydroPonics Air 12 Kit



Included in this kit:
Twelve 3.75" Netpots
3.75" high quality netpots, a definite upgrade over the flimsy 3" pots on competing units.
Aero-12 Base System
The most practical growing system currently available, equipt with a 22 gallon reservoir and two by four foot growing area.
260 gal/hour Pump w/ Feed Tubing
Powerful and durable pump ensures rapid circulation of nutrient solution.
Afls: 1565,00
Yama :600-0641

Solo Salud.....

MANERANAN PA BOOST BO METABOLISMO



Hopi di nos no ta realisa e importancia di nos metabolismo ja cu esaki ta faktor principal pa e curpa kima caloria. Algun di nos tin un metabolismo lihe danki na genetica cu nos a enreheda di nos mayornan y tin di nos cu tin un metabolismo slow. Riba dje ta bini cu despues di e edad di 40, naturalmente nos metabolismo ta cuminsa slow down. Aunke bo NO por controla bo genero, genetica of edad, tin maneranan pa boost bo metabolismo.

1. TRAIN CU PESO

Pa cada liber di musculo, e curpa riba su mes ta kima 6 caloria pa sostene e musculo.

2. CARDIO MAS INTENSIVO

Canamento ta OK pa un persona sedentario pero si bo kier echt kima caloria, bo mester praktika Cardio cu mas intensidad (HIT CARDIO)

3. BEBE MAS AWA

E curpa mester di awa pa procesa e calorianan cu nos ta come. Ora bo ta des-hydrata, bo ta slow down bo metabolismo!!!

4. COME MAS FREKWENTEMENTE

Entre bo desayuno, lunch y cena incorpora



Nutricion & Movecion

Rene Wild

Personal Trainer and Nutritionist

Tel.: 297.594.3327

E-mail: rwderek@hotmail.com

snacknan saludabel manera yogurt of cottage cheese cu almonds.

5. PIKA

Cumindanan cu pika (chili pepper) ta boost metabolismo.

6. PROTEINA (galinja, piska, webo, carni...)

E curpa ta kima mas caloria ora di digestiona proteina cu ora di digestiona harinja of vetnan.

7. KOFFIE

Koffie (sin sucu y sin lechi) ta subi bo metabolismo, bringa Alzeimher y Diabetici typo

WWW.JUSTANSWER.COM

Esaki ta un website cu mi tin anjos



ta uza ora di sinti algo malo cu mi salud of ora di mester un second opinion. Nan tin mediconan/ especialista 24ora online y pa un suma chikito, bo por tuma contacto cu un medico riba e website... indica di kiko bo kier ajudo cunele of conseho y un experto riba e tereno ei lo atende bo.

Ami a uzele cu hopi exito varios biaha y a conseha hopi hende di djele cu tambe a duna mi tremendo feedback. Check e out.....

Solo Local.....

Wit Gele Kruis a ricibi donacion di 133 par di zapato pa babynan recién naci.



Recientemente Wit Gele Kruis a ricibi mas cu 133 par di zapatonan pa babynan recién naci.

E zapatonan a worde gehaak/traha door si Señora Nilda Figaroa, Señora Lidia Wolff y Señora Aura Kolma.

Nan a haya e idea pa traha e zapatonan di Señora Mary Santopietro, cu den pasado huntu cu su casa Ugo tabata bishita Aruba. Nan ta di Cranston, Rhode Island y nan a bin Aruba huntu cu nan Famia mas

cu 30 biaha.

Den pasado caba e damanan a entrega zapatonan na e kraamafdeling di Hospitaal.

Y awor despues di lunanan di traboa Wit Gele Kruis a wordu sorprende cu e zapatonan.

Wit Gele Kruis a aprecia e gesto masha hopi y e damanan a sigura cu nan lo continua cu e proyecto.

Cu oradornan di Hulanda y islanan ABC

FADA ta ofrece informacion valioso pa prevencion di adiccion

FADA, Fundacion Anti Droga Aruba, ta organizado di un conferencia internacional di tres dia cu tin como tema prevencion di adiccion. E conferencia ta conta cu oradornan di Hulanda, Aruba, Boneiro y Corsou, kende ta presentando diferente topico, ofreciendo informacion extenso tocante tur e elementonan cu ta hunga un rol den e proceso di prevencion y promocion di un bida saludabel sin uso di droga. Director di FADA, Juendel Sprok a expresa riba e prome dia di e conferencia cu FADA ta contento cu e acogida y representacion amplio di diferente sector entre participantenan, cual ta bin di e area social, educacion, trato di adiccion, pero tambe ta inclui personanan trahando den departamentonan di recursonan humano di diferente compania, y mas. Entre e metanan principal, segun e director ta splica, ta pa tur hende ta miho informa tocante prevencion, kico ta biba den e mundo di adiccion y e forma nobo con ta presenta e mensahe pa promocion di prevencion. Tabata mas cu 10 aña pasa cu Aruba a conoce un conferencia asina y e tempo ey a conta cu dos of tres orador for di exterior. Desde e tempo ey, e forma di concientizacion y prevencion a cambia. Mas of menos tres aña pasa FADA tambe a cuminsa implementa e forma nobo di concientizacion y prevencion cu ta wordo aplica mundialmente. Juendel Sprok ta amplia, cu a bay di campañanan pa "spanta" e publico pa efectonan y peligernan di uso di droga na un forma negativo pa un acercamento diferente. Awendia FADA ta informa

e publico di efectonan y peligernan di uso di droga, ta educa e publico y ta yuda forma e caracter di e hobennan, mustrando comunidad en general riba loke ta bon y malo. Asina FADA ta yuda e persona ta bon informa con pa tuma un miho decision si of ora e haya su mes confronta den un situacion cu ta rekeri pa e scoge pa su mes kico ta miho p'e y su futuro. Dia 16 di october FADA ta cumpli 30 aña di existencia. Ultimamente tabata tin diferente cambio tumando luga y, entre otro, a introduci e programa "Paga Tino" pa nos hobennan y despues di e conferencia tin programa pa lansa programanan special pa negoshinan y mayornan, Juendel Sprok a bisa. El a aña cu e programanan



pa negoshinan ta riba peticion di e companianan mes, unda cu nan ta pidi asistencia con pa implementa plannan di manejo di adiccion na trabao. Adiccion ta afecta e bida personal di e adicto, pero tambe tin efecto riba su medio ambiente – famia, enseñanza, trabao, etc. - y FADA ta asisti den e diferente areanan pa promove y concientiza nos comunidad tocante prevencion.

BEYOND FITNESS PRESENTS
THURSDAY OCT 30

ZUMBA HALLOWEEN PARTY

3 INSTRUCTORS AND A WHOLE LOT OF FUN

PRESALE AWG 10,- | AT DOOR AWG 15,-
TIME: 6:30 - 8PM | PLACE: EPB HATO

FOR MORE INFORMATION CALL: 742-1781 FB/BEYONDFITNESSARUBA

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Solo Local.....

FAVI a tene un accion di conscientisacion

FAVI, Fundacion Arubano di Esnan Visualmente Incapacita, a tene diamars mainta 15 di October un accion di conscientisacion en conexion cu dia internacional di e garoti blanco.

Meta di e accion aki tabata pa conscientisa e comunidad Arubano, specialmente automobilistanan riba e uzo y nificacion di e garoti blanco cu un persona visualmente incapacita ta usa. Alabes stimula e persona ciego of cu un bista limita pa haci uzo di su garoti di guia.

E accion aki a tuma luga na e famoso Linear Park Oranjestad cu colaboracion di Hamaka Sidewalk Cafe, FAVI a inicia e accion aki caminda Charlene Marchena, guia di actividad di FAVI a hiba palabra y duna instruccion na tur cliente y boluntario presente. Despues Cetty Baarh, directora di FAVI a hiba palabra y a introduci e Vice Presidente nobo di FAVI sra. Giana Quant. Sra. Quandt tambe a hiba palabra y a splica mas di e historia di e garoti blanco, dunando asina inicio na e dia aki, Dia Internacional di Garoti .

Aparte di esaki, e accion a consisti di partimento di foyetonan di informacion y tambe un grupo di cliente di FAVI a haci uzo di e oportunidad aki pa bay cana un rato den area aki, mientras otronan a dicidi di bay core bicicleta cu boluntarionan y tambe un demostracion di gymles a wordo duna pa asina por mira cu personanan cu limitacion di bista tambe por ta parti di nos comunidad y actividadnan social. Tur esaki tabata posibel cu e ayudo di trahadonan, boluntarionan y naturalmente e clientenan. FAVI kier a

yama un danki na tur esunnan cu a yuda y tambe a forma parti di nos actividad.

Clientenan a keda hopi contento cu e actividad organisa pa asina nan tambe contribui na e accion cu ta sumamente importante pa nan bienestar.

FAVI ta spera cu e accion a contribui na conscientisa e comunidad di Aruba pa asina personanan cu tin un limitacion visual tambe por haci uzo di e trafico sin temor.

Si abo mira un hende cu e garoti blanco, tene bon cuenta cu su bista ta limita. Yuda e persona cu limitacion visual ora cu e pidi pa e yudansa of ofrece e yudansa.

Automobilista ora cu abo mira un hende hisa un garoti blanco esey kiermen cu e kier crusa caminda, para bo vehiculo, dal un pito, pa asina e por crusa e caminda sigur!

FAVI kier a gradici tur persona cu di un of otro manera a yuda y sostene e accion aki.



Pagina Spaño.....

Minister mr. Drs. Arthur Dowers:

Gobierno no ta kere den legislacion di ningun tipo di droga

Adiccion ta un reto mundial

Prevencion di adiccion ta e tema principal na e conferencia di tres dia organisa pa FADA, Fundacion Anti Droga Aruba, tumando lugá e siman aki. FADA a invita oradornan di Hulanda, Boneiro, Corsou y Aruba pa ofrece informacion valioso tocante tur topico relaciona na prevencion y maneho di programanan di prevencion durante di e conferencia aki.

Minister di Husticia mr. Drs. Arthur Dowers tambe tabata presente y a pone hopi énfasis den su discurso tocante e importancia di prevencion di adiccion na Aruba. E mandatario a subraya e importancia tambe di e trabao di represion y cu Gobierno di Aruba no ta tolera traficacion y benta di ningun droga. Minister Dowers a bisa cu di un banda e ta satisfecho cu e participacion di diferente instancia importante den e cadena di prevencion, pero di otro banda ta sinta falta di representacion di diferente organisacion cu tambe tin un rol den prevencion y trato di adiccion.

"Adiccion ta un di e retonan, no solamente na Pais Aruba pero mundialmente, cu ta wordo confronta y ta wordo hiba door di hopi gremio y hopi grupo den comunidad y lo mi a prefera di a mira hopi mas di nan presente," e Minister a bisa. El a sigui bisa cu "Únicamente si uni forsa nos por hiba e batalla mas fuerte ainda contra di adiccion – no solamente di droga, pero tambe otro tipo di adiccion cu nos ta mira ta drentando mas y mas den nos sociedad y cu ta un problema mes pa e persona of ta crea un problema pa e sistema di

henter e país."

Minister Dowers a bisa cu, como cu husticia den su rol den represion di tráfico y bendemento di droga, en realidad Maneho di Adiccion, cu ta cay bao di tratamiento, ta un cartera cu ta pas miho hunto cu Salubridad Público. Sinembargo, su ministerio ta sigui traha duro pa uni organisacionnan cu ta traha riba e tereno aki, pa uni cuida di salud mental y otro instancianan, pa yega na mas efectividad den maneho di adiccion en general.

E Gobierno actual, claramente ta indica den su maneho cu nan no ta kere den legalisacion ni liberalisacion di ningun tipo di droga na nos País, Minister Dowers a expresa. E maneho uno represivo hopi pisa contra droga, pero na mes momento ta considera e aspecto social y e consecuencianan pa personanan cu ya ta den problema, el a añadi.

Minister Dowers a subraya cu gobierno y, particularmente ministerio di husticia no ta para pa legislacion di droga, pero ta bringa droga.

Un otro paso cu ta sostene e maneho aki, ta e introduccion di e ley di "preventief fouilleren" pa droga; Aruba ta e unico país den reino cu tin e ley aki, e minister a comenta. E ley aki tabata efectivo den e proceso pa kita droga for di areanan di scol y otro areanan unda cu hobennan por wordo afecta mas facilmente."

Pa gobierno, prevencion ta un di e aspectonan mas importante pa ataca e problematica di droga. Mas bo haci na

prevencion, mas bo por salba y menos costo lo tin na final di dia; mas tempran bo cuminsa mas grandi e chensnan ta cu menos hoben lo cay den droga, Minister Dowers a splica. E mandatario a bisa cu, ademá, ta proba cu mas laat un persona cuminsa experimenta cu droga, menos grandi e chensnan ta cu e ta bira un adicto of un adicto problematico.

Minister Dowers ta boga pa traha na un forma mas integra, pa traha miho hunto y pa hisa efectividad di accionnan y decisionnan cu ta wordo toma.

E discusion awendia ta tocante cuida intramural di prevencion. Ta un echo cu gobierno a inverti miyones den cuida intramural y prevencion durante e último añanan, pero na e momentonan aki gobierno ta na un crusada, tur cen cu wordo inverti den tur ministerio ta wordo scrutina y ningun ministerio no ta scapa di e efectonan. Minister Dowers a pidi pa tur persona trahando den e ramo di adiccion tambe tene cabesnan sereno, coopera miho cu otro y asina lo logra mas efectividad den e trabao sin cu esaki ta bay costa mas.

Minister Arthur Dowers a conclui su discurso cu palabranan di gratitud den direccion di tur hende cu ta traha diariamente den e ramo di trato di adiccion y prevencion di uzo di droga.



Resultado di number:

Diarazon Merdia 15 Oktober

Catochi	Big 4
4400	6211
6667	
4307	
Zodiac	XXXXXXXXXX
0344 Signo: Piscis	

Diarazon Anochi 15 Oktober

Catochi	Big 4
0826	9649
6006	
4774	
Zodiac	Mini Mega
4358 signo : Piscis	35-11-03-14-29 joker : 21
Lotto di dia	Corsou
27-14-24-18-11	5968
	4634
	6615
Diario	Super 4
2834	3475
3276	
2545	

4 skina DIA

2425

4 Skina Cur

5865

Ta Bende



Toyota Rav 4 1999
4cylinder, standart, airco motor ta core sin zonido.

Ta Bende



Chevrolet Blazer 2005
Turbo Diesel ,4cylinder, Tur cos automatic
,airco . pa mas info yama: 5694343

Ta Bende



Hyundai accent 2010 auto ta mescos nobo
yama :5694343

Abona na Solo di Pueblo:

Afl. 35.00 pa luna

Yama 5859500

Tur mainta tempran nos ta entrego den porta di bo cas!

Keda semper bon informa!

BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Orañestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147
Agencia Funeral:	
The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muherr	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

Botica na Warda

Yama pa informacion na
Horacio Oduber Hospital:
527-4000

Dokter na Warda

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

TA BENDE**TA CUMPRO****TA HUUR****TA BUSCA**

Solodipueblo@gmail.com

Ta bende PATO:
Macho 50 pa un
Hembra 30 pa un

**Ta chapi, corta
mata, verf, hasi
cura limpi, tira
sushi afo, 15 florin
pa ora.
Jama 5690143**

Barber

Sta Cruz Barber Shop
a habri su porta. Habri
tur dia te cu 9'or anochi.
Situa dilanti Colegio San
Hose, (banda di Blush).
Pasa cerca nos y nos lo
drecha bo look y ponebo
master master!

TA BENDE

Bunita Trailer di 2
camber grandi, 1 bano,
2 walkin closet, 2 cama,
wasmachine, dryer, sala
y cushina cu stoof y
fridgidair. Tur cos pa Afl.
22.000,=
Prijs ta negociabel. Por
yama cel: 561-4756

CUMINDA

Cushina di Dochi Lee

NOS SNACKS

Tur dia tin special di dia. bestel bo cuminda tempran
na 585-2585

TA BUSCA

Un Toyota Hi
Ace Cargo
van, Diesel of
Gasolin den
bon condicion
preferibel di aña
2002 bay ariba.
7390101

RADIO RUMBA

Radio Rumba FM Estereo
tin espacio radial
obtenibel pa programa
radial. Programa talkshow,
informativo, religioso,
musical. Yama 5859500 pa
mas info.

Ta Bende

Auto nan di 2000
y 3000 florin
modelo :
auto nan ta core
tur dia , stoel nan
paden ta limpi y
motor ta core sin
zonido.
Yama na :5694343

**Palabra di Bijbel encuanto
gañadornan:**

"Diabel ta boso tata y boso kier pone e
deseonan di boso tata den practica. E
ta un matado for di comienso y nunca
el'a aten'e na berdad, pasobra e no tin
berdad den dj'e."

Huan 8, 44.

**Marios
Septic
Truck
Servicio
rapido**

560 3500

TA HUUR

Ta huur espacio comercial na Centro Comercial
Noord Afl. 500.00. Perfecto pa cualkier sorto di
oficina.

Adres: Noord 82.


Pa informacion yama 730-7000

Cambio di fecha F.A.D.A 5K Fun Walk/ 10K Run

Pa motibonan fuera di
nos alcance, Fundacion
Anti Droga Aruba
kier a anuncia na e
participantenan y e pueblo
di Aruba en general cu e
Fun Walk/ Run cu tabata
programa pa tuma lugar
dia 18 di Oktober 2014 a
ser cambia y lo tuma lugar
riba 22 di November 2014.
E orario y e lugar lo keda
mesun cos.

Pa locual ta trata e
puntanan di inscripcion
tambe lo keda mesun
esta IBISA y RUNNERS
ARUBA.

Nos di F.A.D.A. kier
a pidi disculpa pa e
inconveniencia. Y si tin
cualkier pregunta por
tuma contacto cu nos na
tel: 583-2999/ 583-9610
of manda nos un email na
fadaaruba@gmail.com.



**Palabra di
Bijbel encuanto
gañadornan:**

"Diabel ta boso tata y boso kier
pone e deseonan di boso tata den
practica. E ta un matado for di
comienso y nunca el'a aten'e na
berdad, pasobra e no tin berdad
den dj'e." Huan 8, 44.

Solo Local.....

YOUTH EXPLOSION ARUBA 2014

STICHTING MINISTERIO DI HOBEN CATOLICO DI ARUBA (MHCA)



YEAR OF FAITH 2012 2013

ta organisa e aña aki e di 22 conferencia di Youth Explosion Aruba. Esaki ta tambe e di tres aña cu nos ta habri e conferencia pa Hoben Adulto y Adulto. E conferencia ta hibe e number for di dos aña pasa

Youth-, Young Adult- & Adult Jesus Explosion Aruba 2014.

E tema di e conferencia e aña aki ta **"AMI TA!" / "I AM"** for di **Huan 13:19**. Cristo Hesus mes a declara di ta e **"AMI TA."** E ta e number personal di Dios mes den e Testament Bieu (Exodus 3:13-14). Ta Pesey apostel Pablo a scirbi: "Pesey Dios a hals'E na e lugar di mas halto y a dun'E e number cu ta riba tur number. Pa asina na honor di number di Hesus tur criatura dobla nan rudia tanto esnan den shelo, como riba tera y den e mundo bou di tera. I nan tur ta confesa cu Hesu-Cristo ta Señor, pa gloria di Dios Tata." (Filipensenan 2:9-11) Hesus ta Señor. Un ehempel hopi importante cu Hesus a menciona ta den Huan 14:6, unda Hesus ta declara cu **"AMI TA e Caminda, Berdad y Bida; niun hende no por yega cerca Tata, si no ta pa medio di Mi."** Esaki ta nifica cu no tin un otro caminda pa yega cerca Dios Tata si no ta pa medio di dj'E mes; cu ta Cristo Hesus!

Relikia di Papa Huan Pablo II:

E relikia di Papa Huan Pablo II lo bai ta presente durante e conferencia di Youth Explosion Aruba 2014. E parokianan cu ta hiba e number di Papa Huan Pablo II ta haya un relikia di dje pa veneracion. Na Aruba esaki ta nos parokia di Tanki Leendert. Pastor di parokia lo percura pa e relikia ta presente na e Santo Sacrificio di Misa dia 26 di October, 2014 pa tur fielman presenta por venera esaki tambe.


E conferencia ta tuma lugar dianoche **24-25-26 di October, 2014, na Scol Santa Anna, Noord.**

Fecha y Orario di e Conferencia:

- * 24 di october, 2014: 7:00 pm – 10:00pm
(porta ta habri 6:00pm)
- * 25 di october, 2014: 8:30 am – 9:00pm
(porta ta habri 8:00am)
- * 26 di october, 2014: 8:30 am – 5:30pm
(porta ta habri 8:00am)

PAROKIA DI DAKOTA TA INFORMA CU: NOBENA NA SAN HUDAS TADEO TA CUMINSA DIADOMINGO 19 DI OKTOBER y DEVOTONAN LO ASISTI SIN FALTA PA RESA NA E SANTO AKI NA MISA LA BIRGEN DI FATIMA NA DAKOTA

Grupo San Hudas Tadeo Dakota ta invita cordialmente tur devoto y Pueblo di Aruba en general pa asisti sin falta na e Nobena y pa resa na honor di San Hudas Tadeo – Santo y Abogado di Asuntonan di Desesperacion. E Nobena lo cuminsa diadomingo 19 di october 5 or y 15 di atardi.



Y asina ta sigui henter siman di dialuna 20 di october pa diasabra 25 di october y riba diadomingo 26 di october pa 5 or y 15 di atardi, pero riba dialuna 27 di october pa 6 or y 15 di atardi. Fiesta di San Hudas Tadeo lo ta riba diamars 28 di october, cual lo ser celebra cu un procesion pa 6 or saliendo for riba e pleintje dilanti Misa y pasa den cayanan di Dakota y termina asina bek na Misa, cu un Celebracion Eucaristico pa 7 or di anochi pa gradici Dios pa a scucha nos intencionnan pa medio di intercesion di San Hudas Tadeo.

Durante nobena lo resa Rosario di San Hudas Tadeo y Oracionnan. Tur devoto na San Hudas Tadeo y Pueblo di Aruba en general ta keda cordialmente invita pa asisti y pa celebra hunto e fiesta di San Hudas Tadeo na Misa La Birgen di Fatima na Dakota.

Corda cu nos ta venera e Santo si, y nos ta reitera for di Palabra di Dios e carta di San Pablo na Timoteo: 1 Timoteo 2, 1-2: "Mi ta gradici Dios, Kende mi ta sirbi cu un consenshi limpi, manera mi mayornan a siña mi, y mi ta corda riba bo cada momento, di dia y anochi, den mi oracionnan". Comentario riba esaki ta cu "Si Dios mes ta contento ora nos ta resa un pa otro, e Santonan, cu ta perfecto den amor, sigur mester resa pa nos".

Pero no lubida cu Señor Hesus ta esun central cu nos mester adora, glorifica y duna tur honor y gloria, ya cu E ta esun cu ta atende y scucha San Hudas Tadeo su intercesion pa nos ricibi loke nos ta pidi, pasobra e Palabra mes ta bisa: "Pidi lo bo haya, busca lo bo encontra, bati y porta lo habri pa boso", basta cu e ta pa cada un di nos su santificacion.

Na number di Grupo San Hudas Tadeo Dakota

Ida Croes

ALERTA -- RIBA LAMA ALGUN LABADERANAN FE DIRECCION NOORDOOST.
ALERT -- OVER OPEN WATERS SOME NORTHEASTERLY SWELLS.
ALERT -- OP ZEE ENIGE DEINING VANUIT HET NOORDOOSTEN.

PRONOSTICO DI TEMPO PA ARUBA VALIDO TE DIAHUEBS 16 DI OKTOBER 2014

COMPILA:
DIARANSON 15 DI OKTOBER 2014 17:00 (21:00 UTC)

TEMPO:
PARCIALMENTE TE LEVEMENTE NUBLA CU UN CHENS CHIKITO PA AWACERO.

TEMPERATURA MAXIMO 33 GRADO CELSIUS Y TEMPERATURA MINIMO 28 GRADO CELSIUS.

SOLO TA SALI 06:30 AM Y TA BAHÁ 06:21 PM.

BIENTO:
FOR DI DIRECCION OOST Y MODERATE FUERTE, FORSA 4 TE 6 (22 TE 41 KM/HORA, 12 TE 22 NUDO).

SITUACION GENERAL:
E SHELO TA PARCIALMENTE TE LEVEMENTE NUBLA Y E HUMEDAD TA AUMENTA UN TIKI. ESAKI POR INDUCI UN YOBIDA LEVE Y PASAHERO Y TAMBE LO TIN AUMENTO DI NUBIANAN DE BES EN CUANDO.

E BIENTO TA KEDA GENTIL TE FRESCO Y OCASIONALMENTE TE FUERTE PA E RESTO DI SIMAN.

TEMPO TROPICAL:
CICLON TROPICAL GONZALO TA PARTI OOST DI BAHAMAS MOVENDO DEN DIRECCION NOORD Y TA LORA PA BAI NOORDOOST. E SISTEMA AKI NO TA FORMA NINGUN PELIGR PA ARUBA.

CONDICION DI LAMA:
OLANAN DI LAMA TA BINIENDO DI DIRECCION OOST CU HALTURA DI 3 TE 5 PIA. TEMPERATURA DI SUPERFICIE DI LAMA 29 GRADO CELSIUS. TENE CUATELA RIBA LAMA DEBI NA ALGUN LABADERANAN FE DIRECCION NOORDOOST.

PROSPECTO DI TEMPO PA E SIMAN:
PARCIALMENTE TE LEVEMENTE NUBLA.

BIENTO TA KEDA GENTIL TE FRESCO OCASIONALMENTE TE FUERTE.

TEMPERATURA TA FLUCTUA NET RIBA NORMAL.

REGISTRACION DI TEMPERATURA (CELSIUS) Y AWACERO (MM) DEN ULTIMO 24 ORA:

AIRPORT MAX 33 / MIN 28 / 0.00

HADICURARI MAX 31 / MIN 28 / 0.00

E PROXIMO BULLETIN LO WORDO PUBLICA DIAHUEBS 16 DI OKTOBER 2014 17:00 (21:00 UTC)

Solo Obituario.....

*"Señor ta mi wardador mi no tin falta di nada:
Den cunucu di yerba berde e ta ponemi sosega
E ta libami na awa trankil pa mi bolbe haña forsa." Ps
23:1,2,3*

Cu inmenso dolor na nos curason, pero conforme cu
boluntad di Dios nos ta anuncia fayecimento di:



Anna Boezem-Wouters

Mihor conoci como "Nana"

* 17-04-1931 † 15-10-2014

Acto di entierro lo wordo anuncia despues.

Staff y personal di Ad Patres funeral home ta extende
nos mas sincero condolencia na famia di e fayecida.

Condolencia por wordomanda riba nos website:
www.adpatres.webs.com

Comision Kapel Emanuel ta invita pueblo pa un 'Festival di sopi' diadomingo

19 di Oktober 2014

Invitacion

Den Number di pastoor Juancho Pilongo
y comision kapel Emanuel situa na Grote
Bergweg sin number (z/n), nos tin e honor
di invita tur e parokianonan di San Nicolas
y pueblo henter di Aruba pa nos "festival di
soppi". Nos lo bay tin un variedad grandi di
soppi. (9) Nos kier bay recuada fondo pa
drecha y amplia un parti di e coridor situa na
noordwest di kapel. E fecha ta diadomingo 19
di Oktober 2014, di 10' or di maiinta pa 1'or di
merdia, riba e tereno di kapel Emanuel. Tambe
lo tin bolo, koeki, pastechi, croket, softdrink y
awa. Lo tin tentnan disponibel cu stoe'l
Bini uno bini tur bin purba nos sopi di pariba y
alavez contribui cu kapel Emanuel. Note: Tur
cos ta fresco for di cunucu y hofi.
Di antemano masha masha danki

Tip line

5926895

solodipueblo@
gmail.com

TRAPPERS CLUB

- Fiesta, reunion,
ricibimento,
bruid, fiesta
grandi o chikito.

- Workshop,
reunion, reunion
deportivo,
encuentronan di
iglesia.

- Area openlucht
ta acomoda 1000
persona

- 2 Sala airco cu
ta acomoda te cu
400 persona

- Area openlucht
cu stage, pa
festival, iglesia,
fiesta familiar

- Remodel'a
Situa pariba di
Botica Central,
pabao di veld di
Rockets @ Sta
Cruz 739-0101 /
748-8280

Palabra di Bijbel encuanto gañadornan:

"Diabel ta boso
tata y boso kier
pone e deseonan
di boso tata den
practica. E ta un
matado for di
comienso y nunca
el'a aten'e na
berdad, pasobra e
no tin berdad den
dj'e."

Huan 8, 44.

Temblornan Noordwest di Aruba



noordwest
di Aruba
y no ariba
Aruba, pues
nan forza
(o n d a n a n
sismico) cu
por causa

Ultimo tempo Meteo a
registra un aumento di
temblor Noordwest di
Aruba. Expertonan ta
indica cu Aruba tin par
di parameter tectonico
principal cu por produci
temblornan den e parti
Noordwest.

1. E parti entre e plato
Caribense y plato Sur
Americano. E area
complica aki ta wordo
yama Faha Sur Caribense
deforma. Centro di ruptura
(hypocenter) den e area
aki ta mas o menos mas
cu 25 km profundo. E area
aki ta tambe mas cu 100
km noord di Aruba. Den
e Faha Sur Caribense
deforma bo por haya
temblornan di magnitud di
7- of mas.

2. Mas cerca di Aruba tin
un otro area cu por produci
temblornan den e asina
yama Dutch Leeward
Antilles basement. E
area aki tin scheurnan
cu ta corre Noordwest
pa Zuidoost. E area aki
por produci temblornan
cu magnitud maximo di
6- 6.7. E area aki tambe
ta produci temblornan
cu profundidad di mas
o menos 10 km. E area
aki ta esun probamente
causando e temblornan
Noordwest di Aruba ultimo
tempo segun exportonan.

Temblornan di 3 of mas
por wordo sinti pa hende
facilmente. Rond di
mundo tin mas o menos
100000 di e temblornan
cu e magnitudnan aki.
Temblornan entre 3 pa
4 por wordo sinti como
vibracionan cu ta parse cu
un truck pisa ta pasando
banda di bo cas.

E temblornan di ultimo
tempo ta pasando riba lama

daño ta mengua hora nan
yega Aruba. E magnitud
calcula pa seismometernan
si ta keda mescos, tur rond
di mundo, masque cu e
forza pa causa danjo si ta
mengua.

Meteo ta recommenda
pa ora personanan
sinti un temblor, pa nan
contact Meteo mes hora.
E motibo ta, cu si niun
persona notifica Meteo,
e hora Meteo ta hasi uso
di calculacion theoretico
pa posible danjo i esei
kiermen cu e ora ei no ta
tur persona lo por wordo
paga pa nan aseguro pa
algun danjo causa dor di
un temblor.

Temblornan registra ultimo
tempo rond di Aruba.

Datum Lokale tijd (AM/
PM) Noorderbreedte
(graden)
Westerlengte (graden)
RichterSchaal Diepte (km)

14 oktober 2014
2:58PM 1 2 , 8 9
70,35 3,7 7,2

3 oktober 2014
2:48AM 1 2 , 9 3
70,41 4,4 3,2

22 september 2014
3:49AM 1 2 , 8 7
70,27 4,0 5,0

28 juli 2014 6:55 AM
12,83 70,29 3,6 11,7

27 juli 2014 6:41 PM
12,78 70,22 3,6 10,0

27 juli 2014 4:34 PM
12,76 70,30 4,1 16,1

7 maart 2014 1:31 PM
12,27 70,00 3,0 23,6

21 februari 2014 7:43
AM 12,46 70,72 5,1
33.4

Tip line 592-6895.....

Shanayah Howell a risibi bishita di Arubaanse padvinsters Gilde Theresia Groep

Dia 11 di oktober 2014 tabata dia internacional di mucha muher.

Pa es motibo e padvinsters a disidi di bishita un mucha muher Arubiano cu ta un role model. E mucha muher encuastion jama Shanayah Howell.

E padvinsters a bishita Shanayah na su kas pa asina por sinja un poco mas di Shanayah y su historia.

Grupo Scout a wordu bon risibi door di Shanayah y a hanja un splikashon completo di Shanayah y su deporte di BMX.

Shanayah a conta e padvinsters nan su biografia y nan a keda sumamente contento pa por tende y sa mas di Shanayah. Tambe e muchanan por a mira tur Shanayah su trofeonan y otro logronan. Shanayah tambe a keda contento cu e bishita y a gradisi e padvinsters pa nan a scohe Shanayah como e persona cu nan kier bishita. Shanayah a recorda e padvinsters pa semper hasi nan best na scol y hasi un deporte. Na final e padvinsters a bendishona Shanayah cu un bonita "Yell".



IBiSA ta informa:

Dia 16 di october ta Dia Mundial di Alimentacion

Desde aña 1981 ta celebra riba e fecha di 16 di october e 'Dia Mundial di Alimentacion'. Instituto Biba Saludabel y Activo, IBiSA conhuntamente cu Departamento di Salud Publico ta para keto y reflexiona riba e dia aki. Cada aña ta scoge un tema riba cual ta enfoca 'Dia di Alimentacion'. Pa e aña aki e tema mundial ta: "Family Farming: Feeding the world, caring for the earth". Na Aruba nos ta desea hopi mas "Family Farming". Esaki ta encera pa pone atencion riba "Plantacion den bo propio cura, un proyecto di famia". E tema aki ta pone atencion riba e importancia di plantamento como famia aunke ta riba un scala chikito. Miho bisa: "Tin bo propio hofi".

Aki ta enfoca riba e rol significativo di plantacion propio y cu plantacion den cantidad chikito por combati hamber y pobresa.

Plantacion propio ta ofrece siguridad di alimentacion, por maneha e recursonan natural y brinda proteccion di e

medio ambiente pa asina logra un desaroyo sostenibel. Por haci uzo di awa di labamano y di wasmashin pa muha mata di fruta y berdura.

Aki na Aruba cada ken por planta den nan cura, sea den tera of haciendo uzo di hemchi of baki cu tera. Semper por cuminsa cu plantacion di algun berdura facil pa cultiva, entre otro promenton, tomati, berehein y concomber chikito. Of ta cuminsa cu planta e specerijnnan cu ta uza ora di cushinamento, manera yerb'i hole, cilantro, tijm, oregano of romero.

Nos hendenan grandi semper tabata tin den nan cura of hofi un mata di lamunchi (pa laba carni of traha aw'i lamunchi), papaya (berde pa stoba of pa come como fruta), mango, sorsaca, shimarucu of granatapel. E bisña por tin tamarein, kenepa, bacoba of

macapruim. Ora di cosecha ta comparti cu otro si e produccion ta mas cu bo famia tin mester.

Intercambio di bon simia ta garantisa cosecha pa futuro. Un proyecto den famia ta dibertido y un dushi pasa tempo. Muchanan cu planta ta come nan propio produccion mas lihe y no lubida, e produccion aki tin mas sabor y ta yena cu vitamina y mineral cu ta bon pa salud.

Propio plantacion por crea asina bon custumber cu loke bo produci, bo ta prepara pa come tambe. Ademá no lubida, cu e trahamento cu mata den hofi ta stimula pa bo haci movecion y esaki di mes ta promove actividad fisico cu tambe ta bon pa bo salud.

